

劍南詩鈔





劍南詩鈔

宋陸游務觀著

昆陵楊大鶴芝田選  
侯官許貞幹豫生校

七言律下

醉中自贈

富貴猶宜早退休，一生齟齬更何求。  
賦形未至欠三甲，語命寧須憎斗牛。  
粟里收身貧亦樂，平陵埋骨死無憂。  
狂歌醉舞真當勉，剩折梅花插滿頭。

山園雜詠五首

選二四

殘春終日在林亭，散髮披衣醉復醒。  
科斗已成蛙閣閣，櫻桃初結子青青。  
魚遊滄海靈濡沫，禽慕雕籠即翦翎。  
薄晚東風吹小雨，笑攜長鏡伴畦丁。  
已過社雨尚春寒，小醉初醒怯倚闌。  
柳帶花移宜土潤，鶴和雛養要籠寬。  
孤翁白首投村社，諸彥青雲接羽翰。  
誰信幽居多樂事，晚窗兒女話團圞。

窮居有感

孤村煙草莫淒迷，笠子蓑衣自架犁。  
生計似蛛聊補網，敝廬如燕旋添泥。  
人亾耆舊多時學，地廢陂湖失古隄。  
迂闊自知無著處，敢因窮厄怨推擠。

初夏幽居偶題四首 選四

朱櫻羊酪喜新嘗，碧井桐陰轉午涼。  
書几得晴宜試墨，衣篝因潤稱熏香。  
枯龜自覺支牀穩，老馬安能試草長。  
半世學騷終不盡，空餘清夢上沅湘。

閒中書事二首 選一

病過新年逐日添，消愁殘醉兩厭厭。  
惜花萎去常遮日，待燕歸來始下簾。  
堂上清風生玉麈，澗中寒溜注銅蟾。  
一生留滯君休歎，意望天公本自廉。

夏雨初霽題齋壁

楸花棟花照眼明，幽人浴罷葛衣輕。  
燕低去地不盈尺，鵲喜傍簷時數聲。  
對奕軒窗消永晝，晒絲院落喜新晴。  
忽驚重五無多日，采縷纏筒吊屈平。

夏夜風雨極涼枕上口舌

北窗八尺卧文藤，夜雨生涼洗鬱蒸。  
負負清愁繁斷角，悠悠孤夢伴殘燈。  
羸軀垂老嗟焉往，公論猶存似可憑。  
聊向斯文圖不朽，未甘粥飯學山僧。

思蜀

白首躬耕遇游饑，江南自笑欲疇依。  
凌煙勲業無人許，濯錦園林有夢歸。

心似遊僧思遠適身如敗將臨重圍客來強欲相寬釋每說人生七十稀  
感昔二首 選二

五丈原頭秋色新當時許國欲忘身長安之西過萬里北斗以南惟一入  
往事已如遼海鶴餘年空羨葛天民腰間白羽凋零盡却照清溪整角巾

野堂四首 選四

鼓缶酣歌樂太平野堂窗戶極疎明棄官正為愚無用謝客新緣病有名  
閒入鄉人賽神社時從長者放魚行驩然更有關心處打稻家家趁晚晴  
病後衰甚非籃輿不能出門感歎有賦

酒興詩情尚自如形骸可怪頓成疎平生只倚雙鳥爲此日常須一鹿車  
寂寂豈惟慙鄧禹厭厭更覺類曹蜍晚窗弄筆聊滷被數首清詩手自書  
題村店壁

五十年來命歷頭即今殘髮不禁愁亂鴉陣起霜天晚落葉聲乾古渡秋  
小市歡醜聊兀傲長亭秣蹇得遲留一身自處窮如許幸是無因為國謀  
縱步近村

病去身輕試杖藜滿村蕎麥正離離照溪自歎尚微瘦趁渡人言殊未衰  
草塞瓶頭沽濁酒花簪笠頂引羣兒裴回不恨歸差晚正愛青燈映竹籬  
記九月三十日夜半作夢

一夢邯鄲亦壯哉沙堤金鑾絡龍媒兩行畫戟森朱戶十丈平橋夾綠槐  
東閣羣英鳴珮集北庭大戰捷旗來太平事業方施設誰遣晨雞苦喚回  
蜀僧宗傑來乞詩三日不去作長句送之

看遍東南數十州寄船却泝蜀江秋孤雲兩角山亾恙斗米三錢路不憂  
今年所在皆大稔萬里得詩長揖去他年挈笠再來不放翁爛醉尋常事莫笑黃

花插滿頭

枕上偶成

放臣不復望修門身寄江頭黃葉村酒渴喜聞疎雨滴夢回愁對一燈昏  
河潼形勝寧終棄周漢規模要細論自恨不如雲際雁南來猶得過中原

題庵壁二首 選二

身似蝸牛麤有廬却緣無用得安居地爐封火欺寒雨紙閣油窗見細書

蒼熟山僧分餽飢船來溪友餉薪樗閉門莫笑衰顏甚讀易論詩亦未疎  
雨夜有懷張季長少卿

放翁雖老未忘情獨卧山村每自驚鼎鼎百年如電速寥寥一笑抵河清  
梅初破蕊行江路燈欲成花聽雨聲正用此時思劇飲故交零落愴餘生  
惜昔

憶昔輕裝萬里行水郵山驛不論程屢經漢帝燒餘棧曾宿唐家雪外城  
壯志可憐成昨夢殘年惟有事春耕西窗忽聽空階雨獨對青燈意未平  
白首

白首原無一事成朝來大笑絕冠纓花飛早已知春減漏盡寧容更夜行  
蕭散且為無算飲猖狂未免不平鳴玉關青海今安在麥野桑村送此生  
丙辰上元前一日

敝裘破帽髮鬢髻宛似山房罷講僧身病不禁連夜雨家貧只挂舊年燈  
修椽柳外掀樓角危檻雲間露塔層自笑閒遊本無定興闌隨處倚枯藤  
正月十六日園中偶賦



又向柴荆過上元豪華前事不須論偶逢花發閒持酒不得人扶嬾出門  
薄技號山曾獻玉榮途染指亦嘗竈年來洗盡東陵夢瓜瓞蕭蕭老故園  
寄子布

釣灘耕壠雪盈簪從入新年病至今遠使有書常灑淚長宵無夢更傷心  
何由老眼迎歸櫂空為秋風感暮砧一紙新詩千萬恨臨風悵望獨長吟  
排悶

白髮無端日日新自憐猶作百憂身孤燈聽雨常終夜一棹尋花又送春  
旋歷麥饒邀父老時分菜把餉比鄰不須頻起陳人歎已是清朝六世民  
幽居初夏四首 選一

湖山勝處放翁家槐柳陰中野徑斜水滿有時觀下鷺草深無處不鳴蛙  
籜籠已過頭番筍木筆初開第一花歎息老來交舊盡睡餘誰共午甌茶  
焚黃

啼呼梨棗憶兒時駒隙頻經日月馳早歲已興風木歎餘生永廢蓼莪詩  
燎黃恩重空垂泣戴白身存敢自期足蹇僅能成拜起籃輿歸路不勝悲



失鷓鴣

不見池邊整羽衣，繞村散覓走羣兒。卑飛正恐為人得，徑去何須報我知。  
久憶蘋洲應自喜，尚餘菰米亦堪悲。放翁未到忘情處，日暮憑欄獨詠詩。

醉歸

十畝春蕪手自犁，瓜牛廬在鏡湖西。禪心每笑彈棋局，道眼長捐刮膜篦。  
絕食就官分鶴料，無車免客笑雞栖。頃獨有一竹與今又壞矣旗亭酒賤秋風近，夜夜

歸來醉似泥。

閒居自述

自許山翁嬾是真，紛紛外物豈關身。花如解笑還多事，石不能言最可人。  
淨埽明窗憑素几，閒穿密竹岸烏巾。殘年自有青天管，便是無錐也未貧。  
幽懷

苦茅架竹亦吾廬，病起幽懷得小摠。愛酒已捐身外事，閉門猶讀死前書。  
鄰家人喜添新犢，小市奴歸得早蔬。但使身安歲中熟，敢辭老境落樵漁。

秋夜示兒輩

吳下當時薄阿蒙，豈知垂老歎途窮。秋砧巷陌昏昏月，夜燭簾櫳裊裊風。  
縮項鱸魚收晚釣，長腰粳米出新礪。免曹幸可團欒語，憂患如山一笑空。

七十二歲吟

七十人言自古稀，我今過二未全衰。讀書似走名場日，許國如騎戰馬時。  
秋晚雁來空自感，夜闌酒盡不勝悲。渭濱星隕逾千載，一表何人繼出師。

作夢

作夢今逾七十年，平生懷抱尚依然。結茅柱曲桑麻地，覓句灞橋風雪天。  
驃騎向來求作佛，淮南未路望登仙。世間妄想何窮盡，輸與山翁一醉眠。

夜坐

杳杳霜鐘十里聲，娟娟江月半窗明。陳編欲絕猶堪讀，微火相依更有情。  
九曲煙雲新散吏，時方被命再領武陵祠祿百年鉛槧老諸生。頽然待旦君無笑，尚勝

聞雞賦早行

溫岐詩云雞聲茅店月人迹板橋霜蓋唐人早行絕唱也

龜堂獨坐遣悶二首

選一

髮已凋疎齒已搖，高談誰與慰無聊。苦心雖嘔何由出，病骨非讒亦自銷。

玉雪細塵烹瑞草  
臙脂小把劇靈苗

防風苗色紅如  
臙脂可作俎

賀公吳語吾能似太

息遺魂不可招

初拜再領祠宮之命有感

黃紙初開喜可知  
追懷平昔卻成悲  
生當京國承平日  
仕及皇家再造時  
小草出山初已誤  
斷雲含雨欲何施  
兜孫賀罷仍無事  
却赴幽人把釣期

臘月十九日午眠覺復酣卧至晚戲作

枕痕著面眼芒羊  
欲起原無抵死忙  
擁被却尋初斷夢  
掩屏重撥欲殘香  
雪雲雖散寒猶緊  
春意將回晝已長  
老去此身無著處  
華胥真恐是吾鄉

睡起至園中

春風忽已遍天涯  
老子猶能領物華  
淺碧細傾家釀酒  
小紅初試手栽花  
野人易與輸肝肺  
俗語誰能挂齒牙  
更欲世間同省事  
句回蟻陣放蜂衙

蹭蹬

少慕功名頗自奇  
一生蹭蹬鬢成絲  
市樓酒美貧何預  
斗柄春回老不知  
黑幟遊魂應有數  
白衣效命永無期  
魚梁東畔牛欄北  
舉世誰能識此悲

春行

九日春陰一日晴，強扶衰病此閒行。  
猩紅帶露海棠濕，鴨綠平堤湖水明。  
杜子美曉看紅濕處，花重錦官城。李太白蜀江紅且酒賤柳陰逢醉卧，土明用濕字，明字可謂奪造化之功，世未有拈出者。

雪夜感舊

江月亭前檠燭香，龍門閣上馱聲長。  
亂山古驛徑三折，小市孤城宿兩當。  
晚歲猶思事鞍馬，當時那信老耕桑。  
綠沉金鎖俱塵委，雪灑寒燈淚數行。

戊午元日讀書至夜分有感二首

選二

強戴羅襜怯歲增，光陰堪數捷飛騰。  
簷間點滴新春雨，窗下青螢半夜燈。  
傍架討尋書散亂，倚屏吟嘯髮鬢增。  
極知老境惟當佚，絕學端居恨未能。

病足累日不能出庵門折花自娛

頻報園花照眼明，蹒跚正廢下堂行。  
擁衾又聽五更雨，屈指原無三日晴。  
可奈病何拋酒醖，麤知春在賴鶯聲。  
一枝自浸銅瓶水，喜與年光未隔生。

東湖小酌二首

選一

烏帽翩僂白紵涼東窗隨事具杯觴流年不貸世人老造物能容吾輩狂  
藤葉成陰山鳥下檜花滿地蜜蜂忙何人畫得農家樂咿軋縑車隔短牆

夏日五首

選三二

吳中五月暑猶微竟日南堂坐掩扉綠樹露

一作霧

香鶯獨語畫廊風

一作

燕雙歸三千界內人人錯七十年來念念非投老萬緣俱掃盡從今僧  
亦不須依

梅雨初收景氣新太平阡陌樂閒身陂塘漫漫行秧馬門巷陰陰挂艾人  
白葛烏紗稱時節黃雞綠酒聚比鄰掀髯一笑吾真足不為無錐更歎貧

自詠

平生萬事付憨癡兀兀騰騰到死時夜踏亂雲過略約曉分寒溜注軍持  
東嶽山客招烹石渡海番僧乞製碑作箇生涯君勿笑拄天勲業亦兒嬉

露坐二首

立秋前五日

選二

岸幘臨窗意未便又拖筇杖出庭前清秋欲近露濡草皎月未升星滿天  
過球船爭明旦市躡車人廢徹宵眠齊民一飽勤如許坐食官倉每惕然



秋夕露坐作

銀河半落露華清  
南斗闌干北斗明  
冉冉方悲老將至  
纖纖又歎月初生  
酒牀細滴香浮甕  
衣杵相聞聲滿城  
萬卷讀書無用處  
却將耕稼報昇平

秋思四首

選二

雨長蒼苔滿釣磯  
坐令秋暑斂餘威  
天高月破殘雲出  
野曠風驚蠹葉飛  
終歲鉏犂猶不飽  
萬家砧杵獨無衣  
早知竟坐儒冠誤  
射虎南山未必非

豐歲

豐歲驩聲動四鄰  
深秋景氣禁如春  
羊腔酒担爭迎婦  
鼉鼓龍船共賽神  
處處喜晴過甲子  
家家築屋趁庚申  
老翁欲伴鄉閭醉  
先辦長衫紫領巾

書喜三首

選一

水際柴荆鍵不開  
野人相覓漫敲推  
寒鴉陣黑疑雲過  
老木聲酣認雨來  
酒價日低常得醉  
官租時辦不勞催  
平生未省如今樂  
却笑旁觀誤見哀

澤居

澤居僅足不求餘  
曠快真同縱壑魚  
平日酷憎蠅附驥  
暮年肯作鶴乘車



齒搖但煮岷山芋眼澀惟觀胃監書此際自應還往絕本無心與俗人疏  
吳體寄張季長

九月十月天雨雪江南劍南途路長平生故人阻攜手萬里一書空斷腸  
人生彊健已難恃世事變遷那可常兩家子孫各長大他年窮達毋相忘

新作火閣二首

選二

山路霜清葉正黃地爐火煖夜偏長中安煮藥膨脱鼎傍設安禪曲彙牀  
木槁不知年自往雲間已與世相忘更闌坐穩人聲靜時聽風簾響暗廊  
舍北行飯

蔓絡疎籬草滿塘飽嬉聊復步斜陽一霜驟變千林色兩犢新犁百畝荒  
野寺僧殘尚鐘鼓官堤舟過見帆檣歸來笑補空囊課寒日誰知亦自長  
閉門

閉門高卧鏡湖旁原自無閒可得忙泛罷杯觴餘菊苦玩殘指爪帶橙香  
燈昏共度空階雨蛩冷偏依丈室牀不待衰年宦情盡未來如雁到衡陽  
祠祿滿不敢行請作口號三首

選一二

今年高謝武陵君飯豆羹藜亦所欣參透莊生齊物論埽空韓子送窮文  
心如脫窳奔林鹿迹似還山不雨雲猶幸此身強健在鄉鄰爭看布襦帶  
祠庭八載竊榮名一飽心知合自營牘後落銜便手倦月頭鷄俸喜身輕  
敝衣不補惟頻結濁酒難謀且細傾賴有東臯堪肆力比鄰相喚事冬耕

書感

常記當年負子虛公卿交口薦相如豈知鶴髮殘年叟猶讀蠅頭細字書  
出處幸逃千載笑功名從負此心初荒園落葉紛如積日暮歸來自荷鋤

龜堂獨酌二首

選二

一榼蘭溪自獻酬徂年不肯為人留巴山頻入初寒夢江月偏供獨夜愁  
越石壯心雞喔喔子卿歸信雁悠悠天生我輩初何用病骨支離又過秋

雨夜

末路蕭條客子心不堪徂歲更沉陰低簷雨滴睡眠少敗壁殘燈感慨深  
不辨典衣謀盡醉尚能擁鼻作微吟交朋一散如天遠試向今宵夢裏尋

菴中晨起書觸目四首

選二

暉暉初日上簾鈎  
漠漠輕寒透衲裘  
雪林並棲雙鵲暝  
金環斜絆一猿愁  
廉生卧壑松楠老  
王子穿林水石幽  
戲事自憐除未盡  
此生行欲散風漚

唐希雅畫鵲易元吉畫猿廉宣仲老木王仲信水石皆庵中所畫小軸

寒夜

堅冰塞川厚莫測  
斷雁叫羣聲可哀  
草園小甕酒未熟  
霜壓瘦枝梅不開  
穉子忍寒守蠹簡  
老夫忘睡畫爐灰  
低頭就世吾所諱  
千載伯鸞安在哉

歲首書事二首

選一

東風八律寒猶劇  
多稼占祥雪欲成  
雲陰作雪彌旬至開歲雪意愈濃  
壘自書誇腕力  
屠蘇不至數人情  
今歲無餽  
呼盧院落譁新歲  
鄉俗歲夕聚博謂之

試年賈困兒童起五更  
立春未明相呼賣春困亦舊俗也  
白髮滿頭能且健  
剩隨鄉曲樂昇平

庵中獨居感懷三首

選二三

自閉庵門不點燈  
惰耕村叟罷參僧  
一生已是膠黏日  
投老安能夏造冰  
頑面敢辭乾汝唾  
蔬餐聊得曲吾肱  
高春睡熟無多笑  
那有禪師解放鷹

無錢溪女亦留魚有雨東家每借驢  
藜粥數匙晨壓藥松肪一椀夜觀書  
黃紬被暖閒無厭白布衫長樂有餘  
南陌東阡春事動放翁作計未全疎  
雨後微陰光景益奇復得長句

結轍軒車已掃空揮犀談笑與誰同  
日消淺醉閒吟裏春在輕陰薄靄中  
百尺遊絲喜風定一雙新燕說泥融  
天工只費須臾力開遍東闌半丈紅  
春日小園雜賦二首

久矣雲霄鍛羽翰小園聊得賦春寒  
魯望有春寒賦風生鴨綠紋如織  
露染猩紅色未乾不向山丘數零落  
且從兒女話團欒人言麥信春來好  
湯餅今年慮已寬

市塵不到放翁家繞麥穿桑野徑斜  
夜雨長深三尺水曉寒留得一分花  
悶從鄰舍分春甕閒就僧窗試露芽  
自此年光應更好日驅秧馬聽轆車

簡鄰里

今年意味報君知屬疾雖頻未苦衰  
獨坐空齋如自訟

三舍法行時嘗一書言事者屏置一

齊曰自訟小鎬殘俸類分司  
樂天詩猶被妻孥教漸退莫求致仕類分司閒撐野艇漁蓑濕亂插山

花醉帽教有興行歌便終日逢人那識我為誰

寒食日九里平水道中

曉雨絲絲熟食時泥深轍斷客行遲  
亂雲重疊藏山寺野水縱橫入稻陂  
馬鬣松陰封舊隴龜趺道左立新碑  
扶衰此出知能幾清淚臨風不自持

初夏

淡靄輕颺入夏初一窗新綠鳥相呼  
出門易倦常歸卧著句難工但自娛  
花徑蝶聞無墮蕊酒樓人散有空壚  
閩川茶籠猶霑及肺渴朝來頓欲蘇

閩中貢餘  
茶初至

五月初病體益輕偶書

世事紛紛了不知又逢燕乳麥秋時  
經年謝客常因醉三日無詩自怪衰  
乘雨旋移西嶠藥留燈重覆北窗棋  
但將生死俱拈起造物從來是小兒

五月七日拜致仕勅口號二首

選一

剡曲東歸日醉眠冰銜屢忝武夷峽  
仙恩如長假容居里官似分司不限年  
一扎疏榮馳廐置兩兒扶拜望雲天  
坐糜半俸猶多媿月費公朝二萬錢



前詩感慨頗深猶吾前日之言也明日讀而悔之乃復作此然亦未能超然物外也

身世今如一老僧病餘殘髮雪鬢髻湖桑棗下漁舟雨道樹山前野店燈  
澗水潺湲供洗鉢松風蕭颯入行滕世人欲覓何由得覲面相逢喚不應

題庵壁二首

選二

孤村寂寂潮生浦小院昏昏雨送梅蔬食一簞宜面槁畏途九折自心灰  
古人骨朽有書在今雨泥多無客來散髮陽狂非寄傲世間萬事本悠哉

書嬾

此身不覺老侵尋散髮蕭蕭雪滿簪那有新詩書觸目亦無閒話問安心  
塞垣西戍茫如夢省戶東歸病至今一嬾便知生世了午窗酣枕敵千金

散步至三家村

湖桑棗西村名

人情簡朴古風存暮過三家水際村見說終年當閉戶仍聞累世自通婚  
曾船歸處魚膾美社癩香時黍酒渾記取放翁扶杖處蒲蒲煙草濕黃昏  
致任後歲事有望欣然賦詩



聖時恩厚賜餘生，日與鄉閭樂太平。已棄胡牀無長物，尚攜拄杖有同行。  
新裁烏帽人爭看，小摘青蔬手自烹。買得水車無用處，絕知造物相歸耕。  
讀前輩詩文有感

我無前輩千鈞筆，造物爭功謝不能。已分文章歸委靡，可憐意氣尚憑陵。  
鸞旗廣殿晨排仗，鐵馬黃河夜踏冰。此事要須推大手，蟬嘶分付與吳僧。  
七月二日夜賦

鄙人志趣在漁樵，四十年來負聖朝。本恥彈冠良易挂，未嘗刻印敢煩銷。  
盈盈微月生江渚，嫋嫋清笳下郡譙。衰病逢秋真一洗，井牀桐葉已先飄。  
齋中夜賦

高居終日掩齋扉，幽事常多俗事稀。露重叢篁時自瀉，風高脫葉有先飛。  
秋衣漸製聞砧杵，社肉初分謝蕨薇。却笑老身閒不得，一燈明滅亂書圍。  
幽居

萬家水竹古山陰，揀得幽居愜素心。梁燕委巢知社近，井桐飄葉覺秋深。  
琴緣廢久塵常積，書為開稀蠹漸侵。幸自杜門無一事，不須清夜感衣砧。

東堂睡起

置身事外息吾黥獨坐空堂一榻橫  
簷影漸移知日轉樹梢微動覺風生  
每從山寺開經帙閒就園公辨藥名  
若論胸中淡無事八珍何得望藜羹

遣興四首

選一二

幾看人間歲月新釣船猶繫鏡湖濱  
曾穿高帝朝元仗却作山陰版籍民  
留病三分嫌太健忍飢半日未全貧  
早知畫繡能為崇翁子終身合負薪  
湖海原為汗漫遊誤恩四領慢亭秋  
掃空薄祿始無媿閉上衡門那得愁  
湯嫩雪濤翻茗椀火温香縷上衣篝  
牀頭亦有閒書卷信手拈來倦即休

八月九日晚賦

薄晚悠然下草堂綸巾鶴氅弄秋光  
風經樹杪聲初紫月入門扉影正方  
一世不知誰後死四時可愛是新涼  
從今覓醉真當勉酒似鶉兒破殼黃

書齋壁

平生憂患苦縈纏菱刺磨成芡實圓

俗謂因折多者謂菱角磨作雞頭

天下不知誰竟是

古來惟有醉差賢過堂未悟鐘將響  
晚柱寧知壁偶全自笑為農行沒世

尚如驚雁落空弦

秋晚三首 選一三

西山破曉兩眉青  
南浦無風一鏡平  
食盡不容添鶴口  
身閒且免負鷗盟  
霜前草樹已無色  
雨到菰蒲先有聲  
只怪勝遊頻入夢  
今朝蜀客話青城

故人范中立巨山  
自青城來見訪

世事無窮似奕棋  
不如常采故山芝  
蕭蕭雞犬三家聚  
莽莽風煙十里陂  
幸有濁醪從客醉  
常憂黠鬼笑人癡  
清秋樂處君知否  
庭下幽花漸可移

醉題埭西酒家二首 選二

桑麻蒙翳不通鄰  
耽酒頽然一老民  
遣客方眠那是醉  
有衣可典未為貧  
曬翎斜日鷗來熟  
印跡平沙雁到新  
君看此間何境界  
癡人猶說吐車茵

初寒老身頗健戲書二首 選二

過雁聲悲落葉稠  
孤村景物更禁秋  
窮諧客路風塵意  
老判人間歲月道  
酒號賢人真古語  
疾為豎子豈吾憂  
山房幸有初寒備  
且傍篝爐擁褐裘

居室甚隘而藏書頗富率終日不出戶二首 選二

金華詩集  
椰子微軀有百窮平生風際轉枯蓬豈知蟬腹龜腸後更寄蜂房螿穴中  
學儉久判羹不糝憚煩惟欲寐無聰積書充棟原無用聊復吟哦答候蟲

遊近山

羸病知難賦遠遊尚尋好景送悠悠亂山孤店雁聲晚一馬二童溪路秋  
埽壁有僧求醉墨倚樓無客話清愁殘年敢望常彊健到處臨歸為小留  
旅思

支遁山前看月明葛洪井下聽松聲廢亭草滿新驛健野店燈殘寶劍鳴  
萬事竟當歸定論寸心那得媿平生悠然酌罷無人語寄意孤桐一再行

暮秋遣興二首

選二

平生南地慣羈遊放浪常同不繫舟鼉作夜風經沌口鶴鳴秋雨宿溪頭  
方傾意氣輕秦俠俄困悲傷類楚囚買屋數間聊作戲豈知真用作菟裘

新治暖室

小堂穩暖紙窗明低幌圍爐亦已成日閱藏經忘歲月時臨閣帖雜真行  
詩才退後愁酣戰酒量衰來喜細傾從此過冬那復事夜深時聽雪來聲

初冬有感二首 選二

峨冠本願致唐虞白首那知墮腐儒碌碌不成千載事駸駸又見一年徂  
無僧解輟齋厨米有吏頻徵瘦地租要信此翁頑到底只持一笑了窮途

歲晚二首 選一

無窮世事浩難量歲晚沉綿卧草堂短褐圻圖移曲折故書經蠹失偏旁  
賣刀擬買春耕犢挾篋曾人舊牧羊點檢生涯還自笑菜畦殘葉帶新霜

吳中冬  
蔬常茂

貧病

窮愁病思兩茫茫衰髮原知合變霜酒要解醒猶有菜食求祝噎更無方  
凋零坐上親朋少寂寞人間歲月長默計有時還自幸幼安垂老始歸鄉  
齋中弄筆偶書示子聿

左右琴樽靜不譁放翁新作老生涯焚香細讀斜川集候火親烹顧渚茶  
書為半酣差近古詩雖苦思未名家一窗殘日呼愁起裊裊江城咽暮笳  
祭竈與鄰曲散福



已幸懸車示子孫正須祭竈請比鄰歲時風俗相傳久賓主歡娛一笑新  
雪鬢坐深知敬老瓦盆酌滿不羞貧問君此夕茅簷底何似原頭樂社神

### 白髮

蕭蕭白髮濯滄浪剡曲西南一草堂飲水讀書貧亦樂杜門養病老何傷  
已成五畝扶犁叟誰記三朝執戟郎正似籬邊數枝菊歲殘猶復耐冰霜

### 試茶

強飯年來幸未衰睡魔百萬要支持難從陸羽毀茶論寧和陶潛止酒詩  
乳井簾泉方徧試柘羅銅碾雅相宜山僧剝啄知誰報正是松風欲動時

### 夢中作

己未十二月五日夜  
作所書皆夢中事也

長堤行盡古河濱小市人稀霧雨昏  
樾馬垂頭鬻管草驛門移路避槐根  
斷碑零落苔俱徧漏壁微茫字半存  
催喚厨人燎狐兔強排旅思寄清樽

### 寓歎

眼底誰為耐久朋倚肩按膝一烏藤  
虛名但可欺橫日薄俗何時復結繩  
浮世百年悲冉冉閒身萬事付騰騰  
年來更歎龍鍾甚欲採梅花病不能



夢題驛壁

十二月二  
十七日夜

半生征袖厭風埃，又向關門把酒杯。  
車轍自隨芳草遠，歲華無奈夕陽催。  
驛前歷歷埃堦雙隻陌，上悠悠人去來。  
不為途窮身易老，百年回首總堪哀。

小圃獨酌

少時裘馬競豪華，豈料今為老圃家。  
數點霏微社公雨，兩叢閒淡女郎花。  
詩成枕上常難記，酒滿街頭却易賒。  
自笑邇來能用短，只將獨醉作生涯。

新晴野步

吹盡浮雲旋作晴，郊原高下水縱橫。  
煙蕪漫漫如添色，谷鳥關關已變聲。  
迨酒賤時須幾飲，得人扶處儘閒行。  
隔湖遙指蘭亭路，鄰叟追隨羨眼明。

今歲遊花溼差晚戲作

滿地殘紅點綠苔，花溼弭棹小裴回。  
春風又作匆匆別，老病無端滾滾來。  
亦悟百窮緣翫辭，終羞萬事學低摧。  
吾文自欲忘憂耳，那博人間水一杯。

連日往來湖山間頗樂即席有作

晚春光景亦佳哉，野老蒼顏一笑開。  
莫問此生猶幾屐，但知相遇且銜杯。

偶攜兒女祈蠶去又逐鄉鄰賽麥回不信年華如轉轂城頭君聽角聲哀  
春晚泛湖歸偶賦

十日雨晴湖水深暖催新綠上橫林分泥海燕穿花徑帶犢吳牛傍柳陰  
夏近漸低遊舫價日斜殊費去樓吟歸來支枕還無事一縷微煙看水沉

東園小飲四首

選四

乞得殘骸老故山草亭終日對孱顏孤雲百尺起江際幽鳥數聲鳴竹間  
衆死一身今獨健人忙萬物本常閒此心欲語知誰聽賴有漁樵日往還

龜堂晚興

九日春陰一日晴回塘閒院愜幽情小魚出水圓紋見輕燕穿簾折勢成  
今日掩關真佚老向來涉世亦遺名巡簷更有欣然處新筍初抽四五莖  
自笑

三閭茅屋寄滄浪烏出樊籠馬脫韉濫濫陂塘秧水滿陰陰門巷麥風涼  
蔬盤旋采溪毛滑蓬艇新編露若香捐盡浮名方自喜一生枉是伴人忙

觀畫山水

古北安西志未酬人間隨處送悠悠騎驢白帝城邊雨挂席黃陵廟外秋  
大網截江魚可繪高樓臨路酒如油老來無復當年快聊對丹青作卧遊  
出遊

舉世誰能伴我閒出遊隨處一開顏繫船扛鼎將軍廟秣蹇流觴內史山  
小市况經搖落後高城回望莽蒼間歸來燈火湖塘晚指點柴門未上關  
醉中題民家壁

壯歲羈遊厭故棲暮年却愛草堂低交情最向貧中見世事常于醉後齊  
松吹颼颼涼短髮芒屨策策響新泥吾詩戲用寒山例小市人家到處題  
近村莫歸

莫笑山翁雪鬢繁歸休幸出上恩寬蠶樽恰受三升醞龜屋新裁二寸冠  
蠶樽即皮囊美所云詞陵樽也予近以龜殼作冠高二寸許僧閣鬻茶同淡話漁舟投釣卜清歡還家  
欲作諸孫贈村路纍纍柿未丹

枕上作二首 選一

無地容錐四壁空浩然亦未愴途窮夢回倦枕燈殘後詩在空塔雨滴中

徂歲易成雙鬢禿故人難復一樽同  
唐安萬里音塵絕誰為寒沙問斷鴻

張季長今年尚未通書

述懷

宦遊輕用不貲身歛退今為省事人  
唾俟面乾原不校羹憂于爛更誰嗔

時分鄰甕雙瓶綠

見張右史詩

永謝官倉五斗陳最好暮秋溪上路柴門月色

向人新

病足久敗遊山之興山中道人多見問戲作示之

病侵腰股作蹒跚九折途生步武間  
東妹自無緣見佛北公那有力移山

買來芒屨真虛費扶上籃輿亦漸艱  
賴有春陵數峰在虛窗高卧看孱顏

十月八日九日連夕雷雨

雨聲聒耳不停點雲氣冒山殊未開  
敢恨終年惟短褐但驚十月有奔雷

牽蘿且復補茅屋飯豆何妨羹芋魁  
莫笑賦詩無傑句年來萬事學低摧

開東園路北至山脚因治路旁隙地雜植花草六首

選一四

清溝東畔翦蒼菅雖設柴門盡日關  
遠引寒泉成碧沼稍通密竹露青山



幽花泣露開仍落好鳥穿林去復還更上橫岡吾所愛小兒試覓屋三間  
父子追隨一笑傾東園東畔路初成夾栽芳草如繩直前出籬門似砥平  
春近野梅香欲動雨餘溝水細無聲今朝有意誰能識不用人扶亦自行  
題庵壁二首 選一

萬疊青山繞鏡湖數椽自愛野人居風來松度龍吟曲雨過庭餘鳥跡書  
小疾不妨尋酒去豐年偶及挂冠初有金可散還多事四壁蕭然計未疎  
讀僊書

與世已如風馬牛松風終日聽颼颼一爐丹熟定不死半甕酒香安得愁  
腰帶鞋前秋萬頃香爐峰下水交流人間事事皆須命惟有神仙可自求  
寒夜枕上

屋老霜寒睡不成迢迢漏鼓過三更烏啼林外月初上犬吠水邊船夜行  
市有歌呼知歲樂亭無枹鼓喜時平吾詩欲寫還慵起卧看殘燈翳復明  
新晴出門閒步

一夜風號作快晴披裘拄杖出門行青山繞舍雪封盡丹葉滿街霜染成



廢寺僧寒多晏起近村農情闌冬耕窮人旋畫膨脝計自買蹲鴟煮糝羹  
數日不出門偶賦三首 選一三

衰甚身如作繭蠶經旬不省出茅庵老僧遣信分茶串隱士敲門致酒甌  
看鶴松陰賞高潔疏泉石罅得清甘地偏心遠無車馬賴有吾兒與劇談  
湖上蝸廬僅自容寸懷無奈百憂攻補衣未竟迫秋露待飯不來聞午鐘  
稚子挾書勤質問鄰翁釋耒間過從今朝一笑君知否滿甕新醕粥面醲  
醉中歌

文章日益近衰陋風節久已嗟陵彝元祐大蘇逝不返慶厯小范今誰知  
閉門學古人共笑低頭就俗我却疑脫衣幸可買漁艇爛醉浩歌隨所之  
排悶

人間歲月莽悠悠老大悲傷只涕流民饜糟糠寧細事俗忘節義更深憂  
潦歸宿麥猶難望雪少同雲未易求自歎此生真已矣且偷暇日弄孤舟  
庚申十二月二十一日西和州健步持子布書報已取安康襄陽路  
將至九江矣悲喜交懷作長句

吳蜀相望萬里程，征鞍忽報近湓城。角巾已入三更夢，老眼先增十里明。  
告至徧為親舊問，勞還深媿里閭情。追思二紀睽離事，喜極翻成涕泗橫。  
萬里東來雙鯉魚，衰翁悲喜得兜書。聞過峴首已冬至，想到匡廬將歲除。  
辛苦山行穿雪履，淒涼旅飯嚼冰蔬。此行身歷艱難遍，莫厭東皋共荷鉏。  
計子布歸程已過新安入畿縣界

憶昔初登下峽船，一回望汝一悽然。夢魂南北略萬里，人世短長無百年。  
強遣老懷終兀兀，忽聞歸騎已翩翩。今朝屈指無窮喜，歷盡江山近日邊。  
先少師宣和初有贈晁公以道詩云：奴愛才如蕭穎士，婢知詩似鄭  
康成。晁公大愛賞，今逸全篇，偶讀晁公文集，泣而足之。

仕不逢時勇退耕，閉門自號景迂生。遠聞佳士輒心許，老見異書猶眼明。  
奴愛才如蕭穎士，婢知詩似鄭康成。早孤遇事偏多感，欲續殘章涕已傾。  
春日

遲日園林嘗煮酒，和風庭院晒新絲。已過燕子穿簾後，又見鮑魚上市時。  
排悶與兒聯小句，破閒留客戰枯棋。殘年自覓安排處，除却歸休總不宜。

春來食不繼戲作

久卧窮閭困負薪何妨掃盡太倉陳瘦如飯顆吟詩面飢似柴桑乞食身  
犧象未應殊斷木江湖底處有窮鱗大冠長劍人看好不換茅簷一幅巾

春遊

春風堤上草萋萋草軟沙平護馬蹄似蓋微雲纔障日如絲小雨不成泥  
千秋觀裏逢新燕九里山前聽午雞追憶舊遊愁滿眼綵船曾繫畫橋西

春雨三首

選一

狼籍殘花滿地紅擁衾孤夢雨聲中人生十事九堪歎春色三分二已空  
但有老盆傾濁酒不辭衰鬢對青銅長貧博得身強健久矣無心咎化工  
予十許歲即往來雲門諸山今復與諸子來追念悽然

經行猶記髧髦初所至渾如過故墟橋廢夕陽空鶴表碑亾春草沒龜趺  
荒郊渺渺羊牛下叢木蕭蕭烏雀呼可恨一衰今至此右攜筇杖左人扶  
朝飢示子聿

水雲深處小茅茨雷動空腸慣忍飢外物不移方是學俗人猶愛未為詩

生逢昭代雖虛過死見先親幸有辭八十到頭終強項欲將衣鉢付吾兒

晚興二首

選一

偶扶藜杖過旁村却倚禪牀坐小軒日落鴉栖津樹暗人歸鶴踏釣船翻  
挽弓從笑識丁字刺繡終勝倚市門羹芋一杯吾自飽諸兒強為置盤飧

是日五郎等  
置食參倚

閨中自詠

鶴羨清癯鷗羨閒衡門正在水雲間無求尚恨時賒酒有癖應緣酷愛山  
細繞坡頭行犖角別分泉脈聽淙潺三更不睡看江月恐有高人夜叩關

西村

亂山深處小桃源往歲求漿憶叩門高柳簇橋初轉馬數家臨水自成村  
茂林風送幽禽語壞壁苔侵醉墨痕一首清詩記今夕細雲新月取黃昏

苦貧

老作清時版籍民深耕迨及故山春熟思豈是天貧我妄計還憂鬼笑人  
但使甑中餘麥飯何妨澗底采荆薪此窮正坐清狂爾莫向瞿曇問宿因



閉戶

收身歸死鏡湖傍  
閉戶悠悠白日長  
蒼髯斷非容駟馬  
腸枯那有蹴蔬羊  
書生正可蹈東海  
世事漫思移太行  
睡起不知天早暮  
坐看螢度篆盤香

長飢

病卧窮閭負聖時  
本來吾道合長飢  
朝不及夕未妨樂  
死何如生行自知  
早年羞學杖下馬  
末路幸似泥中龜  
煙波一葉會當逝  
吹笛高人有素期

村居書事

困厄難希飽煖家  
未妨隨事作生涯  
白鹽赤米已過足  
早韭晚菘猶恐奢  
鴨放競浮新漲水  
牛歸正及暝棲鴉  
年餘七十方辭祿  
敢望高人挂齒牙

題齋壁

鏡水西頭破茅屋  
紹興初載舊書生  
門無車馬終年靜  
身卧雲山萬事輕  
三釜昔傷貧藉祿  
一廬今幸老為氓  
斷蓬不是無飛處  
莫與飄風抵死爭

魚池將涸車水注之

清波溜溜入新渠  
鄰曲來觀樂有餘  
試手便同三日雨  
滿陂已活十千魚



喜如雷動風行際快若天開地闢初萬物但令俱有託吾曹安取愛吾廬  
秋暑夜興

寂寂空廊絡緯鳴消搖岸幘近南榮閒眠簟作波紋冷新浴衣如蟬翼輕  
微雨已收雲盡散眾星俱隱月徐行呼童持燭開藤紙一首清詩取次成  
七月十七晚行湖塘雷雨大作

電火雷轟下九關我行暮出郊原間鬚鬢暗樹類奇鬼突兀黑雲如瓌山  
江湖默應鰻岫溢鐵鑱自脫梅梁還今夜虛簷瀉懸瀑預知高枕聽淙潺  
秋思

利欲驅人萬火牛江湖浪迹一沙鷗日長似歲閒方覺事大如天醉亦休  
衣杵相望深巷月井桐搖落故園秋欲舒老眼無高處安得元龍百尺樓  
自述二首 選一

寄懷魚鳥卧煙汀結友松筠醉草亭拜賜龜章紆舊紫  
子蒙思賜服篋中有守郡時故袍用  
命以拜養成鵝鬢埽餘青遺經在櫝傳家學大字書牆作座銘浪跡江湖遂

終老此身何啻一浮萍

秋社

雨餘殘日照庭槐，社鼓寥寥賽廟回。又見神盤分肉至，不堪沙雁帶寒來。  
書因忘作閒終日，酒為治聾醉一杯。記取鏡湖無限景，蘋花零落蓼花開。

枕上

呼兒初夜上門關，怕冷貪眠自笑孱。月色橫分窗一半，秋聲正在樹中間。  
暮年不復樽前樂，浮世無如枕上閒。鍊句未安姑棄置，明朝追記尚斑斑。

雨夜歎

秋雨何曾住一滴，老夫危坐欲三更。開元貞觀事誰問，溫洛滎河塵未清。  
豐年猶有餓死慮，破屋自愛讀書聲。刺經作制豈不美，無奈人間痛哭生。

望永阜陵

龍飛回首尚如新，忽閱人間四十春。東主已嚴天上駕，孤臣歸作道旁民。  
傾河尚恨難供淚，衛社何由復致身。獨立秋風吹白髮，感恩肝胆漫輪囷。

出遊莫歸戲作

終年兀兀復騰騰，眼看朱門幾廢興。造物偶容窮不死，衆人共養老無能。

逢山自有閒遊侶入寺寧無淡話僧莫道歸來却岑寂小兒同守短檠燈  
自詒

荒圃風煙入荷鉏孤村巷陌看騎驢少年曾縱千場醉老境惟存一束書  
作意買山雖已矣忍慙乞米獨何歟所欣肺病秋來減白髮蕭蕭可自梳  
對食戲詠

一飽欣逢歲小穰時憑野餉誑枯腸橙黃出白金壘美菰脆供盤玉片香  
客送輪囷霜後蟹僧分磊落社前薑秋來幸是身強健聊為佳時舉一觴  
懷昔

偶住人間日月長細思方覺少年狂眾中論事歸多悔醉後題詩醒已忘  
鬣作鯨吞吁莫測谷堙山整浩難量老來境界全非昨卧看紫簾一縷香  
縱筆四首 選一二三

莫笑畸翁迫耄期從來不許俗人知繫船慣聽巴東雨畫策曾從渭北師  
袖劍客同樓上醉爛柯人看洞中碁如今更欲滄溟去鯨浪浮天信所之  
常笑相如賦上林肯為子政鑄黃金心光自發誰能障踵息無聲不厭深

搖齒復牢堪決肉枯顙再茁已勝簪老松澗底雖終棄霜雪原知不解侵  
拖得烏藤到處行看山看水眼猶明但期少健遊潼華豈必長生似老彭  
一緬青鞵吾事了半甌綠酒萬緣輕安知不作希夷叟生長兵間老太平

予生于宣和末過兵禍  
間關東歸又避地數年

建安陳希周官海南為予致兩拄杖其一促節竹其一桄榔也

雨漬嵐侵鮮暈重石砮楛矢正相同取從萬里鯨波路來伴三山鶴髮翁

雪一作雲

上有時留醉草花前隨處打殘紅化龍徑去吾何憾且與人間作

歲豐

### 秋晚湖上

已過西成賽廟期家家下麥不容遲夕陽遍野人歸後秋水生灘鷺集時  
靈藥不治懷抱惡好詩空共鬢毛衰從來未識蘇司業愁絕西風滿酒旗

### 縱遊歸泊湖橋有作

西蜀東吳到處遊千巖萬壑獨吾州短篷載月娥江夜小窶尋詩禹寺秋  
村酒可賒常痛飲野人有興即相求何由喚得王摩詰為畫湖橋一片愁

雨復作自近村歸

夜聽蕭蕭未漲溪朝行瀼瀼已成泥可憐鳩取招麾速誰似雲知出處齊  
野菊枝長半狼籍江楓葉落正淒迷行人也識龜堂老小榼村醪手自攜

衡門晚眺

幽居端似玉川生茅屋支撐不更營青旆荒寒增酒興錦囊零落負詩情  
殘蕪色襯斜陽遠落葉飛如野鳥輕徂歲崢嶸忽如許雁來又過會稽城

遊西村

昨夜雨多溪水渾不妨喚渡到西村出遊始覺此身健無食更知吾道尊  
藥笈可賒山店酒筇枝時打野僧門歸來燈火茅簷夜且復狂歌鼓盞盆

遣懷

寬袂新裁大布裘低蓬初買小漁舟舊交只有青山在壯志皆因白髮休  
漫道卧羅吞貉子安能浙米向矛頭山園芋栗秋方熟一飽今知本易謀

採梅至東村

乞得殘骸已累年柴車破敝不堪懸閒愁正要供詩思小疾何妨省酒錢



忍事漸多心混混，貯書雖少腹便便。今朝偶有尋梅興，春色爭來拄杖前。  
生日子聿作五字詩十首為壽，追懷先親泣然有作。十月十七日

我生尚及宣和末，頌歷頻驚歲月移。負米養親無復日，蓼莪廢講豈勝悲。  
渡江百口今誰在，抱恨終身祇自知。文字虛名何足道，樽前媿汝十章詩。

擁爐不出輒終日自嘲

柴門木落葉成堆，十日原無一再開。書坐藏多為飽崇，詩緣吟苦作窮媒。  
兜言山圃當收粟，僧約溪橋共採梅。堪笑此翁推不動，地爐無火畫寒灰。  
散步湖上至野人家

湖上霜高水落時，一藤信步出尋詩。妄誇強健真堪笑，喚作清閒亦自欺。  
西埭又隨牛迹去，東村常望鶴巢知。漁翁留客頻辭謝，雞瘦難烹酒味漓。  
昨非

溫飽從來與道違，書生只合卧牛衣。老狐五百生前錯，孤鶴二千歲後歸。  
舌自生肥勝玉食，腰常忘帶况金圍。一官彭澤曾何有，元亮還家悔昨非。

書喜

堪笑龜堂老更頑  
天教白髮看青山  
家居禹廟蘭亭路  
詩在林逋魏野間  
略計未嘗三日醒  
細推猶得半年閒  
今年况展南湖面  
朝借樵風暮可還

時方有朝命復鏡湖

寒夕

夜叩銅壺徹  
旦吟了無人  
會此時心燈殘  
燭作孤螢小  
火冷灰如積  
雪深風急  
江天無過雁  
月明庭戶有疎碁  
此身畢竟歸何許  
但憶藏舟黃葦林

讀書

先親愛我讀書聲  
追慕慈顏涕每傾  
萬事到前心盡嬾  
一編相向眼偏明  
致君正使違初志  
為己猶當畢此生  
更祝吾兒思早退  
雨蓑煙笠事春耕

自詠

滿梳晨起髮凋零  
亭午柴門未徹扃  
萬事忘來尚憂國  
百家屏盡獨窮經  
楠枯倒壑雖無用  
龜老搘林故有靈  
夢裏騎驢華山去  
破雲曉絕數峰青

十二月十二夜夢實有此故識之

遣興二首 選二

家住城南剡曲傍，門前山色蘸湖光。三朝執戟悲年往，二頃扶犁樂歲穰。名姓已隨身共隱，文辭終與道相妨。子孫勉守東皋業，小甑吳粳底樣香。

小飲梅花下作

脫巾莫歎髮成絲，六十年間萬首詩。

予自年十七入學作詩今六十年得萬篇

排日醉過梅落

後通宵吟到雪殘時，偶容後死寧非幸。自乞歸耕已恨遲，青史滿前閒即讀。幾人為我作蒼龜。

正月五日出遊

久作閒人不慣愁，新春天氣更清柔。未為遠海千年別，且繼斜川五日遊。細柳拂頭穿野徑，落梅黏袖上漁舟。此身定去神仙近，倚遍江南賣酒樓。

六日雲重有雪意獨酌

遍遊藪澤一漁舸，盡歷風霜只緼袍。天為念貧偏與健，人因見嬾誤稱高。地連海溼濤聲近，雲冒山椒雪意豪。偶得名罇當痛飲，涼州那得直葡萄。

杜叔高秀才雨雪中相過留一宿而別口誦此詩送之

久客方知行路難，關山無際水漫漫。風吹欲倒孤城遠，雪落如從野寺寒。

暮挈衣囊投土室晨沽村酒挂驢鞍文章一字無人識胸次徒勞萬卷蟠

晚步湖堤歸偶作

酒盡知難折簡呼出門仍苦要人扶殘梅委地香誰惜歸雁穿雲遠欲無  
日落牛羊猶被野農閒春鋤正開湖還家寂寞西窗晚旋燎枯枝擁地爐

春來食不足戲作

飢卧誰能羨屬饜高懷飽食豈容兼分司祿在終難取卿監致仕當得分司祿須自請乃給

遂置東帛恩深獨不霑頃有赦令賜致仕者粟帛羊酒郡獨格不行衰謝形容無藥駐奔馳日

月欠膠黏兒童拍手看翁醉山杏溪桃簇帽簷

村居書喜

紅橋梅市曉山橫白塔樊江春水生花氣襲人知驟煖鵲聲穿樹喜新晴  
坊場酒賤貧猶醉原野年深老亦耕最喜先期官賦足經年無吏叩柴荆

舟中作二首 選二

晤語無人興遣愁出門聊復弄輕舟山穿煙雨參差出水赴陂塘漫散流  
隔葉雄雌鳴谷鳥傍林子母過吳牛數家清絕如圖畫炊黍何妨得小留



湖村春興

桑柘相望雨露新桃源自隱不緣秦稻陂正滿初投種蠶子方生未忘人  
酒借鵜兒成淺色魚憑雲母作修鱗賽神歸晚比鄰醉一笑猶聞老子身

村居書事二首 選二

藥物枝梧病漸蘇門前野老笑相呼春深水暖多魚婢雨長年豐少麥奴  
小飲杯盤隨事具閒行巷陌倩人扶題詩非復羌村句誰與丹青作畫圖

李伯時有美  
月圖傳于世

舍北溪上垂釣

大耋還家萬事非垂竿好在綠苔磯風和山雉挾雌過村晚吳牛將犢歸  
春漲新添塘濫濫夕雲仍帶雨霏霏此生自笑狂顛足依舊人間一布衣

首夏

亂山深處著柴荆岸幘披衣露氣清宴坐有書聊作伴出遊無客獨題名  
陰陰密樹花初盡濫濫方池水已平幾許人間堪笑事今朝百舌頰無聲

示客



一點昏燈兩部蛙客來相對半甌茶典衣未贖身饒蝨治米無工飯有沙  
每為采菱浮野艇時因賣藥宿山家青鞵到處堪乘興不獨雲門與若耶

溪上露坐

水際風生爽拂裾比鄰自集不勞呼昏鴉杳杳飛初定遠樹離離望欲無  
新竹出林時解籜小荷翻露已成珠橋東一徑蒼苔滑歸舍還須稚子扶  
湖上過道翁乃峽中舊所識也

大罵長歌儘放顛時時一語却超然埽空百局無棋敵倒盡千鍾是酒仙  
巴峽相逢如昨日山陰重見亦前緣細思合辱先生友五十年來不負天  
徜徉

家世由來出楚狂湖山垂老得徜徉讀書坐嬾常中廢得句因衰已旋忘  
萬化隨緣寓蟲臂百年何處異羊腸忍飢到死知無恨免使人嘲作飯囊  
入都

葵萸登盤酒可賒豈知扶病又離家朝行打岸濤頭惡夜宿垂天斗柄斜  
不恨山林流歲月但悲道路困風沙鄰翁好為看耕隴行矣東歸一笑譁

自局中歸馬上口占

幼與只合著山巖誤被恩光不蓋慙入怪衰翁頽尺一心知造物賦朝三  
飛騰豈少摩雲鷲感縮方同作繭蠶安得公朝問枯朽早教歸卧舊茅庵

秋思二首

選一

烏帽翩翩九陌塵杖藜誰記岸綸巾遺簪見取終安用敝帚雖微亦自珍  
廊廟似聞憐老病雲山漸欲屬閒身牆隅首着秋風晚獨倚門扉感慨頻

九月初作四首

選二三

九月都門凜欲霜羸軀恩免立鵝行細書付吏騰初稿和藥呼免對古方  
陋巷閉門常謝客高齋埽地獨焚香此生自計終何取似有山林一日長

實錄有初稿二稿

碧海仙蓬感舊遊暮年心事轉悠悠登高此去無多日扶病重來又過秋  
十里樓臺迷巷陌萬家砧杵戒衣裘平生剩欠觀書債四庫留人未許休  
重九不出遣懷

人生各自適飛潛魚腹熊臚豈得兼並舍晚風傳藥杵小窗殘日射書籤

昏腫但怪花爭墜衰鬢應無白可添采菊泛觴終覺嬾不妨閒卧下疎簾  
憶三山

柳橋南北弄煙霏門不常關客自稀遣僕遠馱黃蘗出呼兒閒取白鷗歸  
片雲忽起迷丹竈潦水初生沒釣磯一出可憐時屢變又看刀尺製秋衣  
示子聿

故山誰伴隱茅茨幸有吾家大耳兒雨暗小窗分夜課雪迷長鏡共朝飢  
名場未捷寧妨學史限雖嚴不廢詩我死汝應傳鉢袋勉持愚直報明時  
有懷梁益舊遊

土堠纍纍復雙悠然殘夢到寒缸亂山落日葭萌驛古渡悲風栝柏江  
虎印雪泥餘過跡樹經野火有空腔四方行役男兒事常笑韓生賦下瀧  
孤坐無聊每思江湖之適

世上原無第一籌此身只合卧滄洲艤搖漁浦蒼茫月帆帶松江浩蕩秋  
有酒人家皆可醉無僧山寺亦閒遊老來閱盡榮枯事萬變惟應一笑酬  
子聿欲暫歸山陰見乃翁作惡遂不行贈以此詩

鐘鳴豈復夜行時文字相娛賴此兒欲去復留知汝孝未言先泣歎吾衰  
兩篇易象能忘老百畝山畬可免飢但報家僮多釀酒一欄紅藥是歸期

明年春晚史院  
奏書必得歸矣

### 出謁晚歸

萬卷縱橫眼欲盲偶隨尺一起柴荆淵魚脫水知難悔野鶴乘車只自驚  
苑路落梅輕有態御溝流水細無聲紅塵朝暮何時了促駕歸來洗破觥

### 書志示子聿

誤上蓬山亦已叨所悲故里隔胥濤還家未失屠羊業報國原無汗馬勞  
載筆敢言宗史漢閉門猶得讀莊騷小兒願與翁偕隱正恐聲名未易逃

### 後寓數

貂蟬未必出兜鍪要是蒼鷹憶下鞦彭澤往歸端為酒輕車已老豈須候  
千年精衛心平海三日於菟氣食牛會與高人期物外摩挲銅狄灞城秋

### 與兒輩泛舟遊西湖一日間晴陰屢易

逢著園林即款扉酌泉鬻筍欲忘歸楊花正與人爭路鳩語還催雨點衣

古寺題名那復在後生識面自應稀傷心六十餘年事雙塔依然在翠微  
得子聿到家山後書

日日春陰愁出戶汝今恰遇十分晴桑林紫葢疊疊熟榴壠青秧漫漫平  
夢好定知行路健書來深慰倚門情柯橋道上山如畫早晚歸舟聽艚聲

題齊壁三首

選一二

小屋閒坊旋卜居老人也看作吾廬客知貪睡多留刺免未來歸自檢書  
草賦萬言那直水屬文三紙尚無驢京塵日念家山樂况值腰鎌割麥初  
殘髮蕭蕭不滿簪衰年亦自惜光陰作碑諛墓已絕筆紬史藏山猶苦心  
穿破綠錢多褲筍驚飛紅雨有幽禽北窗睡起摩挲眼更覺清風直萬金  
贈傅神水鑑

寫照今誰下筆親喜君分得卧雲身口中無齒難藏老頰上加毛自有神  
誤道汗青成國史未妨著白猿山人他時更欲求奇迹畫我溪頭把釣緡  
上章納祿恩畀外祠遂以五月初東歸五首

選一

身似霜松老不枯乞骸猶得侍清都百錢濁酒渾家醉六月飛蟲徹曉無



美睡不愁閒客攬出遊自有小兒扶買山尚恐巢由笑敢問若王覓鏡湖

初歸雜詠七首 選二四六

齒豁頭童儘耐嘲即今爛飯用匙抄朱門漫設千杯酒青壁寧無一把茅  
偶爾作官羞問馬頹然對客但稱貓此身定向山中死不用磨錢擲卦爻

磨錢擲卦爻蜀龍昌期語也

換盡朱顏兩鬢皤流年如此奈君何早從學問求開益晚悟文章要詆訶  
每憶壯遊成獨笑間逢老伴亦高歌更餘一恨君知否千載浯溪石未磨  
小園五畝翦蓬蒿便覺人間迹可逃盡疏珍禽添爾雅更書香草續離騷  
藥苗可劔攜長鏡黍酒新成厭小槽走入鷄行方徹悟一官何處不徒勞

夏日

赫赫炎威日正中冰紈竹簟欲無功一心願伴沙頭鷺百計難呼木杪風  
纖手削瓜刀似水小鬟分酒盞如空洗心幸有高樓月少待寒光出海東

蜻蜓浦夜泊

風雨忽如秋已深短篷今夜繫楓林溪翁那問市朝事蔬食不生杯炙心

橫截煙波飛健鷁遠投沙渚落羈禽斯遊誰道傷幽獨猶有殘鐘伴苦吟

村居四首

選一三四

白首歸來亦濯畦任教鄰里笑栖道心靈感兩雌雉生計惟存五母雞  
不恨閒門可羅雀本知窮巷自多泥暮聞鼓角猶人境更欲移家入剡溪  
青藜杖出氛埃外白版扉開水竹邊造物與閒仍與健鄉人知老不知年  
齋居每袖持螯手妄想靈流見麴涎昨日小庭風露冷菊花消息已先傳  
石帆山下樂誰如八尺輕舸萬頃湖能釀人家分小榼愛棋道士寄新圖  
條枚積地樹雞柵溝港接筒澆芋區父子還家更何事斷編燈下講唐虞

子聿至湖上待其歸

舍北犬吠迎歸航老翁待免據胡牀碧雲忽起欲吞日黃葉自凋非實霜  
十風五雨歲則熟左殮右粥身其康豈無深谷結茅屋父子讀易消年光

秋夜讀書有感二首

選二

齒髮凋殘志有餘一編聊復遂吾初老來每恨無同學夢裏猶曾得異書  
家世偏憎慕青紫兒童切莫話龍豬正令世世為農圃廉讓何妨化里閭

病卧

蕭條風雨又經旬，病卧真成不覲鄰。  
跨馬難酬四方志，耽書空盡百年身。  
碧花引蔓緣疎竹，黃雀呼羣啄破困。  
君見此時風味否，肯辭人笑索裝貧。

湖上夜歸

滿鏡新霜奈老何，扁舟日日醉顏酡。  
樂如逐兔牽黃犬，快似麾兵捲白波。  
霜近菊花猶未見，雨餘橙子已堪搓。  
湖桑小市人無數，爭看山翁擊檝歌。

秋曉

菅席多年敗見經，布衾木枕伴殘更。  
嗷嗷天際雁初度，喔喔舍旁雞亂鳴。  
貸米未回愁竈冷，讀書有課待窗明。  
一秋最恨空塔雨，滴破羈懷是此聲。

野興二首

選一

掃盡紅塵閉是非，舍旁好在舊苔磯。  
壺中春色松肪酒，江上秋風檝葉衣。  
一片共知雲偶出，千年誰識鶴重歸。  
勿言野外無供給，雪後連山藥草肥。

北窗

破屋頽垣嘯且歌，一窗隨處寄婆娑。  
閑人每歎同儕少，遇事方知去日多。

雲濕沙洲秋下雁雨來荻浦夜鳴鼃何時更續扁舟興刺載卽筒醉綠蘿

綠蘿溪在武峽

### 幽居

練褐藤冠物外裝下簾留住欲殘香瀟湘客過誇漁具灤皖僧來說藥方  
詩未遽衰猶跌宕書雖小退亦軒昂不緣厭靜尋幽事老去無如白日長  
連陰欲雪排悶

先生經旬甌

塵藜羹不汙白氈巾魯連敢謂天下士摩詰要是山中人

王維自稱山中人

溪從灘瘦愈刻厲山自木落增嶙峋雲重惟愁雪欲作梅花忽

報一枝春

### 幽居述事四首

選一

曾會蘭亭醉墮簪後身依舊住山陰琴傳數世漆文斷鶴養多年丹頂深  
滌硯灘頭無漬墨吹簫月下遺音小詩戲述幽居事後有高人識此心

### 歲晚幽興四首

選一

梅出疎籬柳拂池流年已迫早春時壯心卓犖猶欺酒老業呻吟未廢詩



眼暗觀書如棘澁齒豁噉飯似牛飼風爐欲試蒼鷹爪自向林間拾墮枝  
寄題王才臣山居

王子自少無他娛求住山林結草廬頭童齒豁已衰矣衣敝履空常晏如  
出遊恥懷襦衡刺歸卧盡讀倚相書他日叩門傾白墮要看著白到黃初

初春書懷七首

選一二三四七

六十餘年慕古人即今方近葛天民見人各是原非怒遇事皆安豈怨貧  
小圃鉏耨聊過日扁舟烟雨尚關身出門未覺龍鍾在禹廟蘭亭又見春  
耄及光陰古更稀自今惟有數期頤食觀本草雖多事醉讀離騷自一奇  
物外有人閒始見山中可樂老方知武陵好在桃千樹短檝相尋亦未遲  
數掩蘆藩並水居一家全似業樵漁春寒例謝常來客老病猶貪未見書  
馴雀正緣拋食慣芬蘭肯為礙門鋤藥苗滿鉢無人共賴有溪僧為破除  
甫及春初日已長偶同鄉曲集山房囊盛古墨鞞紋皺箬護新茶帶胯方  
老境不嫌來冉冉流年直恐去堂堂清泉冷浸疎梅蕊共領人間第一番  
愚公不解計安危行盡人間惡路歧難似車登蛇退嶺險如舟過馬當祠



平生憂患常難測送老安閒敢自期  
一事不成應有命惟將知止報明時  
送子虞吳門之行

相送何由插羽翰淡煙微雨暗江干  
孤懷最怯新春別病骨難禁昨夜寒  
樽酒汝寧嫌魯薄釜羹翁自絮吳酸  
此詩字字俱愁絕忍淚成篇却怕看

聞胡亂代華山隱者作

滿谷松風枕石眠中原戰血又成川  
但思秦鑄銅人日不記齊成柏寢年  
大藥一爐燉晚日孤桐三尺寫秋泉  
何妨狂舞旗亭下乞與人間畫醉仙

幽居春晚二首 選二

老廢讎書病廢詩畫閒惟與睡相宜  
未尋內史流觴地又近龐公上塚時  
花發遊蜂喧院落筍長馴鹿入籬籬  
石蛇山下春如許野老來招不用辭

山行贈野叟二首 選一

垂白衰翁住道邊突間猶喜續炊煙  
壁如龜筮難占卜瓦似魚鱗不接連  
幼學及時免識字官租先衆吏無權  
與君俱長宣和日握手相看一悵然

東窗遣興

東窗徙倚當閒遊水長池魚自滿溝花氣襲人渾欲醉鳥聲喚客又成愁  
百年光景輸敵枕萬里風煙入倚樓欲寫烏絲還嬾去詩名老去判悠悠

獨酌

一榼芳醪手自斟從來戶小法杯深已于醉醒知狂聖又向淳漓見古今  
濡首固非吾輩事達生猶得昔人心醱醺欲過香差減且據胡牀坐綠陰

舟中作

誤長仙蓬不滿年恩容歸老白雲邊草枯病馬停朝秣予已納秣水冷鰥魚廢  
夜眠混俗豈須名赫赫耐嘲唯可腹便便柯橋梅市花俱好且典春衣醉  
故顛

閒遊四首 選四

夙興蓐食戒山行策蹇迢迢過故城露葉未乾明曉日風蒲初勁借秋聲  
綠陰渡口孤鶯語白水陂頭兩犢耕遙望炎煙疑可憇試從行路問村名

莫行

志士能輕萬戶封野人自愛一枝筇行窮綠岸呼船渡糴得黃梁就碓舂

林外人家明遠火月邊僧閣下疎鐘江村不用愁孤絕小店茅簷儘見容  
村社禱晴有應

叢祠牲酒走村村賴是能歸為解紛爽氣收回騎月雨  
俗謂二十四五間有雨往往輒成靈  
潦謂之快風散盡滿天雲數峰縹緲如屏面一浦漣漪作簟紋猶勝楚人  
騎月雨  
簫鼓裏九歌哀怨下湘君

題北窗二首

束擔還山讀舊書斷編終日見唐虞千莖白髮年華速一點青燈夜漏徂  
厚價異時空市骨大呼從昔不成盧細思天賦原非薄跬步門前萬頃湖  
不嗔人作腐儒看斷簡堆中興未闌更事愈懷憂國切苦心始覺著書難  
流泉激激人聲遠修竹蕭蕭暑令寒四海諸公常共處北窗何地著身寬  
散懷

少年已遠避山林何況霜毛兩鬢侵習氣尚存詩入夢病根未去藥關心  
猿知秋近啼先苦鶴閱年多頂漸深不忍頓疎風月在羸能扶杖即登臨

幽居

孤村野徑不曾鋤惡草從來一寸無每為遊魚疏港瀆更緣啼鳥植楸梧  
閒門猶有僧時到殘產渾無賦未輸浪走人間真誤計暮年猶足補東隅  
睡起已亭午終日涼甚有賦

飯罷頽然付一牀曠懷真足傲羲皇松棚盡日常如暮荷沼無風亦自香  
倚杖月生人影瘦岸巾露透髮根涼頗聞王旅徂征近數水條山興已狂

溪上避暑二首

選一

暮年事業轉悠悠盡日投竿杜若洲世上漫言天愛酒古來寧有地埋憂  
全家只合雲山老萬事空驚歲月遒褫帶脫冠猶病暍正平頗憶著岑牟  
旅舍偶題

野店山橋策蹇驢浩然聊喜遂吾初童顏幾歲已髭鏡胎髮今朝還入梳  
小甕謾營秋社酒斷編閒理少年書白雲可笑猶多事常向人間耐卷舒  
枕上

紗櫺竹簟不勝清卧看殘缸翳復明兩樹梧桐鳴急雨一林鸚鵡噪疏更  
靜無狂蝶妨幽夢嬾有羣鷗責舊盟待旦欲尋梅市路小舟先向步頭橫



書志

飲水蕭然卧曲肱桑村麥野醉騰騰老身長子知無憾泛宅浮家尚未能  
南畝服勞勝乞食腐儒垂死恥依僧柴荆常閉斜陽裏剝啄雖聞亦嬾磨

新秋二首

選二

蟬聲滿院送流年又見秋風到海邊舊友死來頻入夢新詩愁絕少成篇  
步頭野水雙飛鷺林外人家一點煙顧影自驚如許瘦囊空無藥足沉綿  
新涼示子適時子適將有臨安之行

竹簟紗幮事已非秋清初換熟綠衣鷓鴣山月栖還起螢避溪風墮又飛  
老眼漸昏書嬾讀壯心雖在事多違夜窗剩欲挑燈語日倚柴門望汝歸

野興四首

選三四

早見高皇宇宙新耄年猶作太平民虛名僅可欺橫目意論曾經犯逆鱗  
原野暮雲低欲雨陂湖水活無津蕭條生計君無笑一鉢藜羹抵八珍  
飽見人間行路難暫陪鷓鴣鷺意先闌集仙院裏三題石神武門前兩挂冠  
飢卧了無千里志倦飛原怯九霄寒客來莫笑蓬窗陋若比巢居已太寬



八月四日夜夢中作

太華嶢嶢敷水長白驢依舊繫斜陽山深乳洞藥爐冷花發雲房醅甕香  
鄰叟一樽迎谷口蠻童三髻拜溪旁中原俯仰成今古物外自閒人自忙  
明日復理夢中意作

白盡鬢鬚兩頰紅頹然自以放名翁客從謝事歸時散詩到無人愛處工  
高挂蒲帆上黃鶴獨吹銅笛過垂虹閒人浪迹由來事那計猿驚蕙帳空

村居遣興三首

選三

野堂疎豁近江臯喜見南山秋氣高野外漸寒羣木脫草根薄暮百蟲號  
築陂濬畎更相勉伐荻剝桑敢愛勞亦念耄荒當自佚欲將世業付兒曹

秋興二首

選二

世上原看等一毫紛紛寵辱陋兒曹雁行橫野月初上桐葉滿庭霜未高  
細攷蟲魚箋爾雅廣收草木續離騷更餘一事君知否卧聽牀頭滴小槽

舍北行飯

飯飽逍遙信所之芟塘蔬圃遍遊嬉梧楸凋落風高後瓜瓠輪囷雨足時

犬喜人歸迎野路鵲營巢穩占低枝晚來嬾復呼童子自掩柴門上戾屨

山居

客至何曾共劇談行藏獨有老僧諳覓官肯信山居樂食淡方知飯味甘  
一脉泉通澆藥圃萬重雲鎖釣魚庵好奇自笑心無厭行遍江南憶劍南

寄子坦

目斷西陵細靄中津亭想汝繫孤蓬頗憂昨暮雲吞日  
俗以黑雲接落猶日為風雨之候猶

幸今朝雨壓風就食亦知難戀戀挂帆終恨太匆匆寒沙不是無來雁頻

寄書歸問老翁

書感

老荷寬恩許退耕絲毫無報亦何情民貧樂歲尚艱食道喪異端方肆行  
黨禍本從名輩出弊端常向盛時生古人骨冷青松下誰起英魂與細評

晚秋野興二首 選一

病骨支離不耐秋今年九月即輕裘細書燈下幸能讀舊友夢中時與遊

連夕夢紹興間同朝諸公官賦畢輸無吠犬農功已息有閒牛不知冠蓋朝天客也得

心安似我不

出遊五首

選三

山有籃輿步有舟放翁身健得閒遊  
羊牛點點日將夕蒲柳蕭蕭天正秋  
細徑僧歸雲外寺疎燈人語酒家樓  
歸途更愛湖橋月獨倚闌干為小留

風雨夜坐

寒風淒緊雨空濛舍北新丹數葉楓  
欹舊遊來眼底掩書餘味在胸中  
松明對影談玄客篠火圍爐采藥翁  
君看龜堂新境界固應難與俗人同

懷昔

奮迹窮閭本甚微刺天何敢慕羣飛  
業文僅與驢書券學射纔因鹿發機  
苦獲縱橫真脫命風波瀕洞尚餘威  
朝冠挂了方無事却愛山僧百衲衣

寒夜將旦作

白髮垂肩無二毛胸中消盡少年豪  
河傾月沒夜將旦木落草枯秋已高  
窗下燈殘候蟲語牆隅栖冷老雞號  
曲肱不復更成寐起視寒空如斷鰲

舟中曉賦

木落霜清水鳥呼扁舟夜泊古城隅吹殘畫角鐘初動低盡寒空斗欲無  
浪迹已同鷗境界遠遊方羨雁程途高橋健席從今始遍歷三湘與五湖

漁家

江上漁家水蘓扉間雲片片傍苔磯釣收鷺下虛舟立橋斷僧尋別徑歸  
海近岡巒多迤邐天寒霧雨正霏微羊裘老作桐江叟點檢初心幸未微  
行飯莫歸

整置觀書不耐閒飄然梅塢竹籬間霜風盡脫千林葉雲氣平沉一面山  
笑喚筇枝扶蹇步聊憑村酒借朱顏廟堦墻下歸來晚宿鳥紛紛已漸還  
寒雨中夜坐

江村風雨晚冥冥閉戶添衣愴客情爐爇松肪如蠟爨鼎煎茶浪起灘聲  
團樂賴有兒同話剝啄應無客可迎聊舉一杯生耳熱頽然酣枕到窗明  
得子虞臨安舟中書因寄

江水悠悠雙鯉魚眼明初拆入關書殘年已覺身如客一念還成淚濺裾  
春近預憂歸夢短潮回莫遣寄聲疎何時可棄微官縛五畝荒畦共荷鋤



書喜二首

寵辱原知不足驚，退居兀兀餞餘生。冰魚可釣羹材足，霜稻方登糶價平。

鄰媪已安諸子養，閔氏媪以貧甚棄諸子而去，今始得復歸。園丁初葺數椽成。韓氏得屋湖上，以種蔬為業。

鄰閭喜事吾曹共，一醉寧辭洗破觥。

十月東吳草未枯，村村耕牧可成圖。歲收儉薄雖中熟，民得蠲除已小蘇。

家熟競延師教子，里門罕見吏徵租。老昏不記唐年事，試問元和有此無。

客懷

客懷病思兩悽悽，瘦馬長鞵濺雪泥。道左忽逢曾宿驛，壁間閒看舊留題。

村醪酸薄陳山果，旅飯蕭條嚼凍壘。何處人間非夢境，恍然重到劍關西。

夜寒與客燎乾柴取暖戲作

稿竹乾薪隔歲求，正虞雪夜客相投。如傾漱漱蒲萄酒，似擁重重貂鼠裘。

一睡策勳殊可喜，千金論價恐難酬。他時鐵馬榆關外，憶此猶當笑不休。

年光

無賴年光逐水流，人間隨處送悠悠。千帆落浦湘天晚，孤笛吟風鄆縣秋。



小市鶯花時痛飲故宮禾黍亦閒愁久留只恐驚凡目又向西涼上酒樓

閉門二首 選一

殘髮凋零不滿巾閉門聊得養天真恐傷藥草停除地為惜松槎禁伐薪  
獨木架成新略約一峰買得小嶙峋蕭然便覺渾無事談笑時時過近鄰

賞花

湖上花光何處尋朱朱白白自成林衰年何預傷春事閒客猶懷愛物心  
欲墮每愁風驟起正開却要日微陰蘭亭禹廟平生事一榼芳醪莫厭深

書歎

無能自號癡頑老尚健人驚矍鑠翁未向松根藏病骨尚尋花底醉春風  
翩翩孤影如歸鶴冉冉流年付斷蓬曾謁高皇識隆準傷心無復一人同

紹興朝士自周丞相  
下世獨予尚在爾

初夏閑步村落間

薄雲韜日不成晴野水通池漸欲平綠葉忽低知鳥立青萍微動覺魚行  
醉遊放蕩初何適睡起逍遙未易名忽過湖邊隱君子相攜一笑慰餘生

夜興

鬢毛飽受雪霜侵一褐蕭條寄故林  
簷雨滴回羈枕夢城笳喚起塞垣心  
平生恥露囊中穎垂老甘同爨下琴  
燈燼欲殘看瘦影不妨袖手坐愔愔

石帆夏日二首

石帆山下雨冥冥閒岸紗巾憇草亭  
單複篝衣時脫著甜酸園果半黃青  
鰈魚無隊依蒲藻病鶴長鳴鍛羽翎  
自笑若為消永日異書新錄相牛經  
短棹飄然信所之茶園漁市到無時  
風從蘋末蕭蕭起月過花陰故故遲  
蓴菜煮羹吳舊俗竹枝度曲楚遺辭  
頗聞項里楊梅熟鄰曲相招莫後期

讀趙昌甫詩卷

蝸廬溽暑不可過把卷一讀趙子詩  
如遊麻源第三谷忽見梅花開一枝  
寄書問信不可得握臂晤語應無期  
惟當飲水絕火食海山忽有相逢時

村飲

白糴登場喜食新太倉月廩厭陳陳  
叢祠懷肉有歸遺官道橫眠多醉人  
小市孤村真送老浩歌起舞最關身  
鹽醯之貨尋常事惱亂比鄰莫媿頻

七月十九日大風雷雨電

雷車動地電火明急雨遂作盆盎傾強弩夾射馬陵道屋瓦大震昆陽城  
豈獨魚蝦空際落真成蓋履舍中行明朝雨止尋幽夢尚聽風濤濺瀑聲  
湖上

三伏無多暑漸微登臨清曉試縑衣風高病木初凋葉潦退流萍尚半扉  
白首重來空感昔清樽相屬欲忘歸猶憐不負湖山處好在平生舊釣磯

江村二首

選一

江村一雨喜塵清隱雷車意未平蒼莽郊原來暮色颼颼林壑起秋聲  
書希簡古終難近詩慕雄渾苦未成白首愈悲知我少從今一技不須名  
天王寺迪上人房五十年前友人王仲信同題名尚在

綠繞青圍古會稽城東河上古招提已公茅屋曾遊處渭北山人半醉題  
暫憇不妨停畫楫幽尋還得杖青藜舊人死盡惟殘屋竹密雲深步步迷  
東窗偶書二首 選二

萬事何曾有速淹熊臆魚腹自難兼山川置掌猶難取日月無膠可得黏

稚子幸堪持几杖，老生原自慣齏鹽。  
清晨臨鏡還三歎，雪領今年無處添。  
示子適

翁老免窮不自支，此心幸與古人期。  
勞兼薪水奴初去，典到琴書事可知。  
藥杵無聲工忍病，米囤可埽恥言飢。  
餘年有幾須相守，萬里煙霄付異時。  
小雨

赤日炎熇勢未回，川雲忽起亦佳哉。  
鴨衝細雨橋陰出，蝶弄微風草際來。  
擘柳不禁朝暮久，芙蓉猶有二三開。  
一年光景煩君看，何怪昆池有劫灰。  
漁父二首

食簞雖薄尚羹藜，且喜今朝酒價低。  
一榼每隨潮上下，數家相望埭東西。  
團團箬笠偏宜雨，策策芒屨不怕泥。  
應笑漆園多事在，本來無物更誰齊。  
數十年來一短簑，死期未到且婆婆。  
敲門賒酒常酣醉，舉網無魚亦浩歌。  
片月又生紅蓼岸，孤舟常占白鷗波。  
人間各自生涯別，文叔君房媿汝多。  
秋望

千里郊原俯莽蒼，三江煙水接微茫。  
橫林蟲鏤無全葉，新雁風驚有斷行。

神禹祠庭遺劍珮先秦金石古文章一樽莫恨盤飧薄終勝登樓憶故鄉

秋夕

浴罷紗巾出草堂一枝瘦杖倚桄榔蟬吟古柳聲相續月入幽扉影正方  
頻約僧棋秋漸健稍增書課夜初長亦知桑落宜鬻酒太息何時辨一觴

寓歎

五畝煙蕪過半生還山自笑又躬耕畚炊不繼免啼飯烹飪無方客絮羹  
遊宦人間身愈困讀書燈下目幾盲退之已老當更事猶向時人說善鳴

秋夜思南鄭軍中

五丈原頭刁斗聲秋風又到亞夫營昔如埋劍常思出今作閒雲不計程  
盛事何由觀北伐後人誰可繼西平眼昏不禁陳編得挑盡殘燈不肯明  
夢行益昌道中有賦

朱棧青林小益西早行遙聽隔村鷄龍門閣畔千尋壁江月亭前十里堤  
酒舍胡姬歌折柳江津洮馬惜障泥倦遊重到曾來處自拂流塵覓舊題

幽興



蘭渚前頭湖水清了無俗事敗幽情雨淋茅屋隨時補日射油窗特地明  
庭樹晚鶯窺戶語鄰園秋筍過籬生芥松漸美鹽醃足誰共貧家一釜羹

枕上作

一室幽夢不成高城傳漏過三更孤燈無焰穴鼠出枯葉有聲鄰犬行  
壯日自期如孟博殘年但欲慕初平不然短楫棄家去萬頃松江看月明

遊近村二首 選一

行歷茶岡到藥園却從釣瀨入樵村半衰半健意蕭散不雨不晴天晏溫  
薯蕷傍籬寒引蔓萑蒲絡石瘦生根參差燈火茅簷晚童稚相呼正候門

畏事

畏事偷安百不能飯蔬聊得曲吾肱舊交夢裏時時見宿疾秋來日日增  
遣悶自鋤幽圃藥扶衰猶賴故溪藤不因顧見鬢髻影全是深山退院僧

秋晚書懷二首 選一

七澤三巴日月長即今萬事付茫茫結廬窮僻新知少屬疾沉綿舊學荒  
中夜飯牛初上阪千年化鶴復還鄉自憐尚覺身為累刺蓄荆薪待雪霜

舟行魯墟梅市之間偶賦

短髮蕭蕭久挂冠江湖到處著身寬  
蓼花不逐蘋花老桐葉常先櫛葉殘  
未卜柴荆臨峭絕且謀蓑笠釣荒寒  
閒人尚媿沙鷗在始信煙波得意難

衰疾

衰疾支離負聖時猶能采菊傍東籬  
捉衿見肘貧無敵聳膊成山瘦可知  
百歲光陰半歸酒一生事業略存詩  
不妨舉世無同志會有方來可與期

憶昔

偶見張安國周子充劉韶美王景文陳德各任元受遺集為之感愴作長句紆悲不知涕泗之集也

憶昔高皇絀柄臣招徠賢雋聚朝紳  
寧知遺恨忽千載追數同時無一人  
羶骨九京應已朽殘書數帙尚如新  
此身露電那堪說也復燈前默愴神

蜀漢

憶昔遨遊蜀漢間駸駸五十尚朱顏  
呼鷹雪閣天回路采藥雲迷御愛山  
舊事已無人共說征途猶與夢相關  
夕陽不覺憑闌久待得林鴉接翅還

湖堤莫歸

出郭並湖無十里我歸蟹舍過魚梁  
川雲蒼白不成雨汀樹青紅初著霜

俗孝家家供菽水農勤處處築陂塘樂哉追逐鄉三老半醉行歌詠歲穰  
鼠屢敗吾書偶得狸奴捕殺無虛日羣鼠幾空為賦此詩

服役無人自炷香狸奴乃肯伴禪房晝眠共藉牀數暝夜坐同聞漏鼓長  
賈勇遂能空鼠穴策勛何止履胡腸魚飧雖薄真無媿不向花間捕蝶忙

道士李勝之畫捕  
蝶獅貓以訊當世

晨起

晨起梳頭雪滿脣可憐衰與病相乘浮名何足欺橫目真樂聊須付曲肱  
仕有俸錢渠亦好退無耕壟我何憑具牛力盡殊堪閉買犢東村恨未能

道院雜興四首 選一

江上霜風吹角巾東歸不獨為吳尊埽除長劍華纓夢收拾孤颿短棹身  
句漏丹砂開竈晚商顏芝草滿山春東封敢擬迎鑿仗且作行歌陌上人

戲遣老懷五首 選一二四

平生碌碌本無奇况是年垂九十時阿囷略如郎罷老稚孫能伴太翁嬉  
花前騎竹強名馬階下埋盆便作池一笑不妨閒過日歎衰憂死却成癡

清羸正怯倚闌干，紗帽還驚半指寬。日漏雲端纔欲暝，風催梅信又成寒。  
尋僧竹院逢茶熟，引鶴溪橋及雪殘。只道捐書差似達，庖丁數紙尚須看。  
舊襲家風號散人，晚承恩詔賜閒身。放狂泥酒都忘老，厚價收書不似貧。  
霜曉方驚羣木脫，春晴又喜一花新。先生偶出人難遇，陌上爭先看角巾。

東籬三首

選一二

東籬深僻嬾衣裳，書卷縱橫藥囊無。吏徵租終日睡，得錢沽酒一春狂。  
新營茅舍軒窗靜，旋煮山蔬匕箸香。戲集句圖書素壁，本來無事却成忙。  
漫道深居晝掩關，東籬栽接不曾閒。每因清夢遊敷水，自覺前身隱華山。  
花發時時攜綠酒，客來往往羨朱顏。藥爐安著猶無地，擬展茅茨一兩間。

村市醉歸

明時乞得水雲身，白首扶衰又見春。橫木門幽謝來客，獨轆車小避行人。  
湘湖水長純絲滑，蘭渚泥融箭出新。處處酒爐皆可醉，不辭微雨墊吾巾。

新晴二首

選二

挂冠湖上遂吾初，捫腹逍遙適有餘。羹煮野蔬原足味，屋茨生草亦安居。



市廬分熟通賒酒鄰舍情深許借驢更喜新晴滿窗日籤題重整一牀書

春日雜賦五首 選一五

羈懷病思正厭厭詩卷漁竿信手拈老境何嘗忘一笑春風也解到窮闕  
殘花滿地無餘萼新筍掀泥已露尖轉老轉窮君勿笑熊膳魚腹豈容兼  
人生覓飯原多術最下方為祿代耕脫却朝衫猶老健快如苦雨得春晴  
鳥聲頻喚五更夢花氣頻醒三日醒最喜晨興聞剝啄吾免書札到柴荆

春晚二首 選一

門巷蕭條老病侵春晴方快又春陰啄吞自笑如孤鶴導引何妨效五禽  
雨洗杏花紅欲盡日烘楊柳綠初深雖鶯盡有平生舊也傍茅簷送好音  
出遊歸鞍上口占

渺渺煙波飛絮去迢迢桑野策驢還寄懷楚水吳山外得意唐詩晉帖間  
每惜好春如我老誰能長日伴人間世間自是無兼得勛業原非造物慳

初夏出遊三首 選一

早緣疎拙遂歸耕晚為沉綿得養生樂鏡釣竿緣已熟海村山寺眼偏明



安西萬里人何在廣武千年根未平但使蓮峰歸路穩亦無閒手揖公卿

初夏閒居八首 選四五

城上朱旗夏令初溪頭綠水蘸菰蒲花貪結子無餘芻燕接飛蟲正哺雛  
簫鼓賽蠶人盡醉陂塘移穉客相呼 鄉中謂備  
畊者為客長安青蓋金羈馬也有農  
家此樂無

啜茗清風兩腋生西齋雅具愜幽情薰衣過後篝爐冷展卷終時蠟架橫  
巢燕何曾擇貧富鳴鳩原不為陰晴但能與物俱無著小草新詩取次成

初夏幽居四首 選三

野草幽花無歇時一窗終日對東籬病猶獨醉雖堪笑老未全衰亦自奇  
古紙硬黃臨晉帖矮牋勻碧錄唐詩箇中疑是忘憂處問著山翁却不知  
小江

細靄斜陽一片秋數家茅屋小江頭臚聲遠入菰蘆夾鳥陣斜飛蘭社洲  
暫住便成閒嘯詠欲歸更復小遲留老翁脚力猶能健明日重來倚寺樓

幽居

謝病言歸一鹿車短籬數掩護幽居樹枝南畔有飛鷓蓮葉東邊多戲魚  
倦枕續成驚斷夢斜風吹落讀殘書典來偶曳枯筇出父老逢迎却未踈

柴門

寂寞柴門不徹扃槐花細細糝空庭晚梅摘得鹽供釘濁酒沽來草塞瓶  
病已廢耕拋襜褕間猶持釣愛苓箸經旬莫恨無來客交舊踈如欲旦星  
小涼

羸軀一夏因沉繇不在林間即水邊高卧已忘浮世事小涼漸近早秋天  
桂棹軋軋鳴幽圃舴艋遥遥入暮煙餘日無多那諱得逢人自笑說明年  
村居

人笑無才自笑狂槿籬竹搗得深藏自從病後辜風月未免愁中讀老莊  
行圃數畦秋菜長泛溪十里晚荷香叢書坐懶無由續且補忠州手錄方

城東

出郭溶溶細縠波平生此地幾經過祭餘野廟啼烏樂酒賤村墟醉叟多  
亭午疎鐘籬石佛斂昏微雨泊曹娥采蓮艇子愁衣濕不為人家惜綠荷

秋稼漸登識喜

門外新場滑似油，早禾已慶十分收。  
虹霓不隔郊原雨，蠶蠶爭催巷陌秋。  
人樂風傳迎社鼓，路長水濺采蓮舟。  
老翁自笑無他事，欲隱牆東學儂牛。

野渡用前韻

十里平沙到渡頭，溪山合向畫圖收。  
老僧赴供袈裟古，醉叟行歌擺撥秋。  
斷岸煙迷耕處草，孤村雨送釣時舟。  
龍泉不副原無恨，莫放神光上斗牛。

感事

曾事高皇接雋遊，君恩天地若為酬。  
濟時已負終身媿，謀已常從一笑休。  
在昔風塵馳廐置，即今煙雨暗畊疇。  
孤愁欲豁寧無地，野店逢僧每小留。

小病兩日而愈

病骨羸然山澤癯，故應行路笑形模。  
記書身大似柳子，忍事癭生如瓠壺。  
美酒得錢猶可致，高人折簡孰能呼。  
不如淨掃茅齋地，卧看微香起瓦爐。

出遊

來往人間不計年，一枝筇竹雪垂肩。  
埽除身外閒名利，師友書中古聖賢。

文道山前饒石水，葛洪井畔慘風煙。  
小癡大黠君無笑，買斷秋光不用錢。  
草堂

南出湖塢有廢堤，草堂只在鶴巢西。  
清風滿榻眠初起，落葉平溝路欲迷。  
新酒已知迎社熟，秋鶯猶作傍簷啼。  
鄰翁相遇饒言笑，共喜年豐米價低。  
自述

早畏危機避巧丸，長安未到意先闌。  
心如老馬雖知路，身似鳴蛙不屬官。  
閒駕柴車無遠近，旋沽村酒半甜酸。  
羣兒何足勞情恕，胸次從初抵海寬。  
秋穫後即事二首 選一

多稼如雲接百城，村村鼓樂賽西成。  
頽寬公賦私逋責，一洗兒啼婦歎聲。  
社酒粥釀供晚酌，秋菰玉潔芼晨烹。  
放翁醉飽摩便腹，自灸毫甌試雪坑。  
行飯至湖上

行飯消遙日有常，青鞵又到古祠旁。  
殘蕪滿路無多綠，落葉投空不待黃。  
只道詩書能發塚，豈知博籥亦亡羊。  
此身只合都無事，時向湖橋看戲場。

老境

一生幸免踐危機，老境還山飽蕨薇。智士固知窮有命，達人原謂死為歸。  
臨窗蜀紙謄詩草，出戶鄮條繫褐衣。堪笑街頭小兒女，問予君是伯休非。

憶昔

憶昔梁州夜枕戈，東歸如此壯心何。蹉跎已失邯鄲步，悲壯空傳勅勒歌。  
今日扁舟釣煙水，當時重鎧渡冰河。自憐一覺寒窗夢，尚想涪溪石可磨。

九月一日未明起坐

病骨清羸八十餘，空齋淒冷五更初。忽聞雲表新來雁，起讀燈前未竟書。  
坐久屢傳雞喔喔，夢殘猶化蝶蘧蘧。農功漸畢身無事，約索家童撞曉蔬。

曉寒

悠悠殘夢伴殘更，萬木風號曉氣清。雞唱欲闌聞井汲，月痕漸淺覺窗明。  
突煙騰碧炊初動，衣焙推紅火已生。小閣翻書裘褐暖，早朝霜滑媿公卿。

記夢

久住人間豈自期，斷砧殘角助淒悲。征行忽入夜來夢，意氣尚如年少時。  
絕塞但驚天似水，流年不記鬢成絲。此身死去詩猶在，未必無人粗見知。



訪山家

捨舟步上若耶溪  
壽樂修藤路欲迷  
僧院倚山馴栗鼠  
野塘漲水下芟雞  
草侵古路迢迢遠  
雲傍行人故故低  
薄暮但尋遺堯去  
山家正在鶴巢西

自法雲回過魯墟故居

枳籬數掩閉柴扉  
樵碓聲中煙火微  
雪暗杜陵無雁下  
雲迷滄海有人歸  
耕疇且復償初願  
官路那知脫駭機  
更有冬來歡喜事  
芋魁豆莢不勝肥

幽居遣懷三首

選一三

大患原因有此身  
正須枵腹對空囷  
扶持接客寧嗟老  
質貸迎醫未厭貧  
碓下罕遺雞啄粒  
席間不掃鼠行塵  
時時笑顧兜曹說  
縱有煙霄莫問津  
習氣深知要掃除  
時時福忿獨何歎  
呼童不應自生火  
待飯未來還讀書  
世態詎堪聞處看  
俗人自與我曹疎  
作詩未必能傳後  
要是幽懷得小據

舟中

江天雲斷漏斜暉  
靡迤羣山翠作圍  
帆影似經吳赤壁  
鶻聲如下蜀青衣  
卧聞裂水長魚出  
起看凌風健鷁行  
禹會橋邊最清絕  
憶曾深夜叩漁扉

初春幽居二首 選一

滿榼芳醪手自攜，  
阪湖南北埭東西。  
茂陵處處見松魚，  
幽圃時時聞竹雞。  
零落斷雲斜障日，  
霏微過雨未成泥。  
老民不預人間事，  
但喜農疇漸可犁。

羸卧

羸卧將如老景何，  
小園風月且婆娑。  
茶因春困論交密，  
酒為家貧作態多。  
馬上原無聽雞句，  
原頭那有飯牛歌。  
自憐遠屏猶多事，  
賣藥歸來買釣蓑。

春感

老厭紛紛嬾入城，  
長亭小市近清明。  
隴頭下漏初芸草，  
陌上吹簫正賣錫。  
多病更知生是贅，  
九原那恨死無名。  
但餘一事猶關念，  
萬里唐安闕寄聲。

張季長久不通書或傳其卧病甚歎歎也

書南堂壁二首 選一

數間破屋住荒郊，  
暑雨時須自補茅。  
多病篇章無傑思，  
長閒樵牧有新交。  
荒唐但向先師媿，  
翫麟靈舞薄俗嘲。  
偶有會心成獨笑，  
一林春筍放煙梢。

贛士曾典宗字光祖以其居篔簹谷圖來求詩

高人心虛萬物宗家世常以仕易農買山本愛坡上竹手種已偃巖前松  
瀑泉三伏凜冰雪谷聲十里酣笙鏞了知自是一丘壑不與金精為附庸

地與金精山  
青牛峽為鄰

即事

歸卧已如孤首丘不妨解劍換吳牛埽空身外閒榮辱閱盡樽前舊輩流  
學道漫希僧坐夏憂時常媿士防秋一年歷日開強半歎息人間歲月道

雨中出門閒望有作

急雨初來已瀉簷清香欲散更穿簾年開九秩尚不死坐對一編殊未饜  
人笑黠癡俱得半自憐貧病每相兼說梅古謂能蠲濁戲出街頭望酒帘

示二子

豈不懷榮畏友朋一生凜凜蹈春冰任真雖笑拘邊幅達節寧容出準繩  
自喜殘年如白傅更憐諸子慕崔丞耄期尚有江湖興頑健人言見未曾

時子龍調官東陽  
丞子坦調彭澤丞

醉題

雲樓澗飲未為高起舞行歌亦足豪試問食時觀本草何如酒後讀離騷  
遊山不待飛雙鳥剪水無因得快刀熟睡市墟君勿笑年來隨事學舖糟  
閒遊所至少留得長句五首 選二

垣屋參差桑竹繁意行漫漫不知村眼明可數遠山邊足健直窮流水源  
鷺引釣船經菰浦牛隨牧笛入柴門試尋高處休行李清絕應須入夢魂  
南堂雜興八首 選一二四五六

車馬無聲晝漏長野人與世已相忘屏除長物軒楹爽洗濯塵襟肺腑涼  
秋近平郊鳴鸛鶴日斜荒徑下牛羊興來欲喚筇枝去更盡銅爐一炷香  
新涼一夜入郊墟晨起衣巾爽有餘燕欲委巢雛盡去 燕有三生雛者及秋雛方去盡  
猶在手意先疎題詩又滿牛腰束采藥常攜鴉觜鋤湖上從今風月好不  
妨隨處命籃輿

耄齒東歸息故廬聊持頑健託鄉閭未忘麈尾清談典常讀蠅頭細字書  
貧甚尚能耕有犢步輕那數出無驢南堂又見秋風起卧看溪雲自卷舒  
奔走當年一念差歸休別覺是生涯茅簷喚客家常飯竹院隨僧自在茶



紹興初僧喚客茶各隨意多  
少謂之自在茶今遂成俗  
禪久遍參寧得髓詩緣獨學不名家如今百  
事無能解只擬清秋上釣槎

十里城南禾黍村白頭心事與誰論  
情偷已墜先人訓迂拙仍辜聖主恩  
病退時時覩蠹簡興來往往出柴門  
斜陽倚杖君知否收點鷄豚及未昏

村老人不能耕者以收  
鷄豚為事村鄰皆然

### 初秋即事二首

簾櫳雨過不勝清  
秋氣依依似有情  
高棟尚餘雙燕宿  
短紗先放百蟲鳴  
挑燈剩欲開書帙  
擘蟹時須近酒觴  
却媿鄰家常作苦  
採租黃犢待寒耕  
老來閱世苦匆匆  
又見流年入鬢蓬  
山徑濕螢黏露草  
井牀病葉實秋風  
鄰翁每共藜羹味  
稚子能終汗簡功  
造物于人原不薄  
未須抵掌歎囊空

### 訪野老

農事原知要細評  
野人有舊得尋盟  
林深未見果蔬地  
舍近先聞雞犬聲  
春水築塘謀竭作  
陽坡卧犢約同耕  
老來常歎人情薄  
深媿今朝倒屣迎

### 書過



架竹苦茅屋數椽推開窗戶即江天微飢未遠愁長日小疾何妨度厄年  
孤鶴千秋偏警露斷山欲雨自生煙囊中妙法君知否買斷清閒不用錢  
步月

鷗鷺論交有舊盟越山勝處著柴荆只思小閣焚香卧偶作長堤躡月行  
湖濶煙鐘來縹緲林疎漁火見分明店家已賣新篘酒一醉今宵似可成  
拄杖示子適

拄杖相從四十年交情耐久獨依然西窮巫峽岷江路北抵岐山渭水邊  
早已歸休弄泉石老猶緩步歷風煙會同鉢袋并禪版付與兒孫世世傳  
秋來苦貧戲作

閉門高卧養吾真說著生涯笑倒人奴閤囊空舞僮值婢愁囊冷拾炊薪  
羹能有糝猶為泰地到無錐始是貧一飯不妨支一日讀書常媿恥比鄰  
秋感二首 選二

聖世優容許乞身歸來猶幸齒齊民漁家那有懸車地蔬食何施祝鯁人  
獠婢臨溪漂衣絮蠻童掃葉續炊薪生涯如此仍秋暮賴是從來慣處貧

結茅

結茅湖曲兩三間，客少柴荆盡日閑。  
插架圖書娛晚暮，滿灘鷗鷺伴清閒。  
壁龕吳晉千年字，劇地得吳永安  
晉太康中古觀窗納秦稽萬壘山。  
自怪堅頑推不倒，時來臨水照蒼顏。

老健

年垂九十身猶健，竹屋荆扉不厭低。  
挈榼自沽深巷酒，擁衾遙聽別村雞。  
家添豚柵還堪賦，路認牛欄每不迷。  
惟恨窮秋開霽少，晚來小雨又成泥。

秋晚書感

犧象初心豈願才，溝中雖斷不須哀。  
吾生自信雲舒卷，客態誰論燕去來。  
夕露正看沾草棘，晨霜已見落楸槐。  
耄年閉戶真無感，封火更闌熟芋魁。

哭季長二首

崐山剡曲各天涯，死籍前時偶脫遺。  
三徑就荒俱已老，一樽相屬永無期。  
寢門哀慟今何及，泉壤從遊後不疑。  
邂逅子孫能記此，交情應似兩翁時。

我荷鋤時君賜環，君歸我復造清班。  
無由促席暫握手，每得寄聲聊解顏。

造物不令成老伴著書猶喜在名山

季長晚著  
書數百卷

半年僅得陳尊卿白首臨

風涕自潛

讀幽詩

我讀幽風七月篇聖賢事事在陳編豈惟王業方興日要是淳風未散前  
屈宋遺音今尚絕咸韶古奏更誰傳吾曹所學非章句白髮青燈一泣然

北窗

半世蟬嘶坐北窗  
耄年依舊守殘缸  
買書安得黃金百  
覓句如求白壁雙  
老氣尚思吞夢澤  
壯遊曾是釣巴江  
寒生事業秋毫盡  
筆力終慙鼎可扛

幽居

人間歲月苦駸駸  
白首幽居不厭深  
嬾愛舉杯成美睡  
靜嫌對弈動機心  
山村野渡雙芒屨  
夜雪晨霜一布衾  
不到匡廬三十載  
夢攜巾鉢上東林

山房

四紀移家剡曲旁  
自茨生草作山房  
寒侵夜艾知霜重  
行遍天涯覺夢長  
戒婢無勞事釵澤  
課奴相率補陂塘  
無衣已免幽人歎  
數箔春蠶歲有常

小雨頗寒

冬温初喜一寒新紙閣墀爐養病身殘雨已收猶點滴斷雲欲散更輪囷  
衣裳可典寧留筍口腹雖饒肯累人一事明朝差似樂探梅閒岸接羅巾

仲冬書事

邊陲無警少鈴聲病得新霜亦已平赤脚聽蛩勤夜績蒼頭租犢待冬耕  
發奩雙兔駢頭卧溢盃芳醪徹底清里巷紛紛誇節物春盤儼鼓漸關情

霜夜二首 選一

月淡霜清夜漏遲疎鐘杳杳度南陂燈殘有恨欲誰語雞老無聲如我衰  
使入蜀川方在道書傳淮浦定何時若為可遣閒愁得獨擁寒爐煮豆其

時方附蜀中便舟寄書張季長家又未得古壽書每開懷

寄五郎兼示十五郎

八十九老可驚白髮森然憎鏡明身當遊岱尚少駐書欲藏山殊未成  
大兒為國戍絕塞季子伴翁親短檠古人已矣不可作夜闌撫几歎平生

食壘糝甚美蓋蜀人所謂東坡羹也



壘糝芳甘妙絕倫，啜來恍若在峨岷。  
蕞羹下政知難敵，牛乳抨酥亦未珍。  
異味頗思修淨供，祕方常惜授厨人。  
午窗自撫膨脝腹，好住煙村莫厭貧。

雪意

風吼江郊雪意濃，雲如兩陣決雌雄。  
山寒酒過平時量，窗黑書虧半日功。  
閒話更端茶灶熟，清詩分韻地爐紅。  
不須遠覓華胥路，更俟天花落坐中。

晨起

勲業文章謝不能，生涯分付一枝藤。  
身同湘浦孤舟客，心羨廬山下版僧。  
倦枕厭聞窗外雨，殘膏猶在壁間燈。  
草芝要及清晨服，深媿蠻童為扣冰。

草芝丹眉山史  
載之學士方

題唐執中書樓

吾州唐子他州無，閉戶偏讀家藏書。  
志氣頗聞已山立，神仙固自多樓居。  
終日坐忘對燕几，有時出遊騎蹇驢。  
人生如此自可爾，勿羨新貴高門閭。

老翁

老翁睡少知遙夜，貧士衾單怯苦寒。  
悶裏不嫌村酒薄，瘦來偏覺舊衣寬。



籬門過健時能出書卷乘閒亦取看深媿野人憐寂寞放鋤相喚共朝餐  
晚晴出行近村間觀景物

雪雲吹盡木陰移正是先生曳杖時老孺行將新長犢空桑卧出寄生枝  
醫翁莫過囊探藥筮雙晨占手布著誰謂人間足憂患未妨古俗自熙熙  
累日濃雲作雪不成遂有春意

釀雪經旬竟不成一霜却作十分晴雲歸岫穴千峰立映入郊原萬耦耕  
萑葉離離豐歲候梅花眷眷故人情道旁孤店新醅熟已有幽禽一兩聲  
即事

雲本無心木不材平生得喪信悠哉釣魚每過桐江宿賣藥新從剡曲回  
山園萬蔓晨灌溉地爐芋栗夜燔煨人情萬變吾何預笑口何妨處處開  
初春二首 選一

春入陂湖已折冰流年誰解繫長繩土膏動後麥苗長桑眼綻來蠶事興  
稅足了無徵欠吏飯香時有乞齋僧開正父老頻占候已決今年百稼登

題寺壁

庵居渾似罷參僧除却癡憨百不能意倦有時憑曲几興來隨處曳枯藤  
雲山直去寧留伴解磴高攀不計層聞道鶯鳴天欲雨松門小住看雲興

題幽居壁二首

選一

青山四抱路盤紆天與先生卜草廬雲冷數聲聞斷雁溪清百尺見遊魚  
新醪薄薄聞尋醉殘髮蕭蕭悶憶梳莫謂躬耕便無事百年京洛尚丘墟

晚春二首

選一

世事紛紛不足論流年去似海濤翻莫因齒髮悲殘景且喜荆扉是故園  
千里桑麻無曠土數家雞犬自成村鄰翁過我誇秧信雨後春泥一尺渾

野興二首

東望城闌十里遙野人生計日蕭條碁枰棄置機心息肉食蠲除業境消  
送藥時時過鄰父放魚日日度溪橋自憐愛物還成癖門巷春來草沒腰  
涉澗穿林信意行翠崖朱棧愜幽情關關野鳥將雛語戢戢新篁解籜聲  
藉草一壺消永日出門幾屐了平生川雲正作遮山計浩蕩南風又快晴

自笑

宦途昔似伏轅駒退處今如縱壑魚  
手自埽除松菊徑身常枕藉老莊書  
郊居本自依農圃社飲何妨逐里閭  
白髮蕭然還自笑風流猶見過江初

北窗即事二首 選一

衡茅隨力葺幽居埽地焚香樂有餘  
分食時能下檐鵲作洲常悔誑池魚  
遊歸又失相尋客睡起重開未了書  
袖手悠然便終日不辭世俗笑迂疎

園中把酒示鄰曲二首 選二

煮豆烹蔬當果穀固應杯酌盡陶匏  
池塘激激荷浮葉門巷陰陰筍放梢  
三畝荒園存故業一編蠹簡得深交  
敝廬經雨穿將徧未向村東自割茅

對酒作

飲酒豪如捲白波遣愁難似塞黃河  
多聞只解為身累後死空令見事多  
未試神仙餐玉法且賡壯士入關歌  
此心不道無人識雪鬢蕭蕭耐老何

書興

占得溪山卜數椽飽經世故氣猶全  
入門明月真堪友滿榻清風不用錢  
便死也勝千百輩少留更過二三年  
湖橋有酒能來醉一棹何妨作水仙

浴罷閒步門外而歸

兩扇荆扉數掩籬幽人浴罷得娛嬉南臨大澤風來遠東限連山月出遲  
沙上無泥藤屨健水邊弄影葛巾欹徑歸却就東窗卧要及蟬聲未歇時

即事四首 選三

我愛湖山清絕地抱琴攜鶴住茅堂藥苗自采盤蔬美菰米新舂鉢飯香  
南浦風煙無限好北軒雷雨不勝涼舊文散落無消息借問黃塵有底忙

暑中自遣

名山處處得幽尋破硯時時出苦吟上樂和平無近效古詩簡淡有遺音  
蘇門隱去聞孤嘯栗里歸來弄素琴尚恐俗塵除未盡每思雪夜宿東林

夏夜納涼

河漢微茫月漸低風聲正在草堂西蒹根唧唧蟲相吊木末翻翻鷓未栖  
屯甲近聞如積水聞淮壖近募雄淮軍數萬守關不假用丸泥孤臣報國嗟無地只有

東臯更飽犂

新涼

家住山陰剡曲旁，一番風雨送新涼。亦知病得清秋健，無奈愁隨獨夜長。  
日落川原橫慘淡，月明洲渚遠蒼茫。老民無復憂時意，齒豁頭童只自傷。  
秋來瘦甚而益健戲作

莫笑形羸不自支，清虛正與老人宜。茅頭浙米誰能食，甌裏生塵却自奇。  
獨釣又逢秋晚後，安眠常到日高時。邇來久雨牆垣壞，斫竹東岡自作籬。  
秋夜

局促人間每鮮歡，秋來病骨愈酸寒。夾衣尚典雁聲過，斷簡未收雞唱殘。  
退士鬢毛紛似雪，老臣心事炳如丹。燈前握臂無交舊，聊喚清樽少自寬。  
步屨

名山有志未能酬，步屨東岡當出遊。小閣捲簾鶯鷺起，清池投餌看魚浮。  
西風吹葉空多感，落日銜山尚小留。兜老戍邊歸未得，淮南新雁又經秋。  
故里

漏盡鐘鳴有夜行，幾人故里得歸耕。摧傷自喜消前業，疾恙天教學養生。  
鄰曲新傳秧馬式，房櫬靜聽緯車聲。芋魁菰首君無笑，老子看來是大烹。



訪村老

強健如翁舉世稀，夜深容我叩門扉。  
大兒叱犢戴星出，稚子捕魚乘月歸。  
骨肉團樂無遠別，比鄰假貸不相違。  
人間可羨惟農畝，又見秋燈照襦衣。

秋夜齋中二首 選一

木落煙深江上村，暮秋蕭瑟不堪論。  
雁如著意頻驚枕，月似知愁故入門。  
營道數峰新石友，近得道石數峰廣陵一曲古桐孫。  
亦知長物終安取，聊與兒曹

洗睡昏

秋雨

暮秋木葉已微丹，小雨蕭蕭又作寒。  
目送斷雲歸谷口，身隨新雁寄江干。  
濁醪易負尋常債，退士難叨本分官。  
謝盡浮名更無事，燈前兒女話團樂。

晚秋出門戲作二首 選二

閒愁那到野人邊，萬事原知合付天。  
盡醉僅能三盃酒，新寒未辦一銖錢。  
鄰僧每欲分齋鉢，廟史猶來索社錢。  
無地寘錐真細事，不妨胸次日超然。

山村獨酌

劍南詩鈔

七言律下

四十八

上海瑞葉山房石印

腰劍如今不換牛，固應萬事一時休。  
孤舟慣作瀟湘夢，駿馬寧思鄴社遊。  
毀譽要須千載定，功名已向隔生求。  
石帆山下秋風晚，買酒看雲自獻酬。

雨晴

小雨初增氣慘悽，新晴差解病沉迷。  
虛廊靜院聽松籟，細草甘泉養鹿麕。  
寒靄細分山遠近，野歌相應路高低。  
孰知倦客蕭然意，水品茶經手自攜。

獨坐

博山香霧散緋緋，袖手何妨靜掩扉。  
六十年前故人盡，

紹興中往還朋舊今乃無一人在

八千里外寄書稀。

自張季長下世蜀中書問幾絕

昨朝送客桐江去，今日逢僧剡縣歸。  
欲

作小詩還復嬾，海鷗與我兩忘機。

書感

衰顏非復昔年朱，幾過黃公舊酒壚。  
成敗只堪三太息，是非終付一胡盧。  
連天煙草迷歸夢，動地風波歷畏途。  
辛苦一生成底事，躬耕猶得補東隅。

初寒

新雁來時歲又殘，丹楓數樹照江干。  
前山雲起忽成暝，陋屋雨來初變寒。

身退已收清禁夢里居終出上恩寬作詩老恨無奇思時取囊中斷稿看  
城南道中有感

行李蕭然一束書城南觸目更愁予市門乞食僧持鉢關路哦詩客跨驢  
殘髮無多真已矣名山未去獨何歟芒屨可買身猶健紅樹青霜十月初

冬日排悶二首

老欲躬耕力弗強但應賣藥似韓康陳編時見古成敗舊友不知今在否  
已返山林遺世事尚憑詩酒答年光此身自笑如稊米加損寧能繫太倉  
地爐微火伴寒灰垂野江雲暝不開欲睡手中書自墮半酣窗外雪初來  
渡頭照影聞征雁籬角吹香得早梅佛粥春盤信不遠離離斗柄欲東回  
雨後快晴步至湘塘

齒豁從教道字訛負薪陌上且行歌古人亦自達時少吾輩何疑忤俗多  
山掃黛痕如尚濕湖開鏡面似新磨亦知大有掀髯處無奈西流白日何  
隱趣

歸老家山一幅中俗間那可與知聞舉杯每屬江頭月贈客時緘谷口雲

行采菖蒲緣薛磴卧浮舴艋入鷗羣力營隱趣君無怪作得閒人要十分  
過湖上僧庵

西庵每過未嘗開邂逅清言始此回陶令巾車尋壑去己公茅屋賦詩來  
奇香炷罷雲生岫瑞茗分成乳泛杯便恐從今往還熟入門猿鳥不驚猜

書數二首 選二

尺椽不改結茅初薄粥猶艱卒歲儲獮子解迎門外客狸奴知護案間書  
深林間數新添筍小沼時觀舊放魚自笑從來徒步慣歸休枉道是懸車

晚步湖堤

絕裘桐帽野人裝又上湖堤步夕陽貧甚不為明日計興來猶作少年狂  
殘樽倒酒無餘瀝幽圃尋梅認暗香時有行人數頑健黑絲點破領間霜

微疾

微疾經旬近藥囊往來巷陌未全妨時時小雨知春近處處聞身覺日長  
林外鼓歌聞賽廟懷中茶餅議租桑兩京梅發今何似送老流年只自傷

遊山步二首

塞驢渺渺過雲邊旋了三生物外緣平日視家真逆旅此行出戶若登仙  
飢從野店烹葵飯困就僧牀借枕眠所恨暮年交舊盡佳時無與共聯翩  
南出平橋十里餘湖山處處可成圖冰邊更覺梅花瘦雲外誰憐雁影孤  
時喚行僧同煮茗亦逢樵叟問迷途破裘不怕春寒峭小市疎燈有酒壚

示兒輩

窮居懷抱久無懽猶賴吾兒得少寬謹視雞豚供老疾力營薪炭備春寒  
舊書綴緝編無絕小甕調停味不酸坐使乃翁無一事高眠常到日三竿  
夢中作

久向人間隱姓名看花幾到武昌城一壺春色常供醉萬里煙波嬾問程  
斜日挂帆堤外影便風擊鼓驛前聲丈夫入手皆勛業廊廟江湖未易評  
新年書感

早歲西遊賦子虛暮年負耒返鄉閭殘軀未死敢忘國病眼欲盲猶愛書  
朋舊何勞記車笠子孫幸不廢菑畲新年冷落如常日白髮蕭蕭悶自梳

人日雪

己巳元日至人日雨雪間作



病卧江村不厭深貂裘無奈曉寒侵非賢那畏蛇年至多難却愁人日陰  
嫋嫋孤雲生翠壁霏霏急雪洒青林一盃飯罷無餘事坐看高臺下凍禽

夜雨

正看飛雪暗江天不覺新春已粲然花氣襲人娛獨夜雨聲遶舍送豐年  
樵風未改山川舊稷事空悲歲月遷一盃可營身尚健故應先治下湖船  
肩輿歷湖桑堰東西過陳灣至陳讓堰小市抵莫乃歸二首 選二

貪看西南一面山不知信步到陳灣未言散釋經旬病且要消磨半日閒  
蔬瓏過寒常鬱鬱鳥聲迎暝已關關斜陽不為行人駐十里鐘來翠靄間  
春寒復作

春寒已解忽復作病思不堪當語誰青燈熒熒欲滅殘雨滴滴休無期  
故人已死夢中見壯志未忘心自知青絲玉井聲軋軋又是窗白鴉鳴時

曝舊畫

故篋開緘一滄清斷縑殘幅尚知名翩翩戲鵲如相語洵洵驚濤覺有聲  
柳暗正當煙未斂花穠仍值雨初晴百年手澤存無幾蟲蠹塵侵祇涕橫

莫春龜堂即事四首 選三

日月無根去若馳，故園又見落花時。  
杯中綠酒不肯飲，鏡裏蒼顏應自知。  
千丈新堤湖水滿，五更殘漏角聲悲。  
暮年父子難乖隔，淮浦書來苦覺遲。

閒詠五首 選二四

事業無聞負聖時，滄波自照角巾欹。  
養成林下無窮嬾，占盡人間徹底癡。  
小麥繞村苗鬱鬱，柔桑滿陌椹纍纍。  
醫翁笠叟真堪友，搜索殘樽與共持。  
白頭羈客更堪論，身寄城南桑竹村。  
一榻琴書春寂寂，四山霧雨晝昏昏。  
常情共笑門庭冷，好事虛推輩行尊。  
燒筍炊粳真過足，免曹不用致魚飧。

初夏二首 選二

江鄉初夏暑猶輕，霽日園林有晚鶯。  
聊置樽罍師北海，盡除屏障學東平。  
綠槐露濕單衣爽，紅藥風翻病眼明。  
每感流年成絕歎，白頭自笑未忘情。

哭李孟達

舊交多已謝，明時孟達竒。  
才最所思晚，歲立朝雖小。  
試平生苦學，竟誰知。  
樽前一笑終無日，地下相從却有期。  
慟絕寢門霜日暮，短笥聊為寫餘悲。

山行過僧庵不入

垣屋參差竹鳥深，舊題名處嬾重尋。  
茶爐煙起知高興，棋子聲疎識苦心。  
淡日暉暉孤市散，殘雲漠漠半川陰。  
長吟未斷清愁起，已見橫林宿暮禽。

山行

閒人日日得閒行，况值今朝小雨晴。  
水淺游魚渾可數，山深藥草半無名。  
臨溪旋喚罾船渡，過寺初聞浴鼓聲。  
小醉未應風味減，滿盤青杏伴朱櫻。

行東山下至南巖

穿林了不厭崎嶇，邂逅幽懷得少攄。  
昔媿出山成小草，今知流水羨遊魚。  
呦呦馴鹿隨輕策，泱泱流泉入野渠。  
坐覺塵襟真一洗，正如頭垢得爬梳。

白首

白首歸來老故園，索居情味更堪論。  
關河悠邈夢魂到，親舊凋零書札存。  
身病自憐詩思退，家貧客笑酒醅渾。  
昏昏只欲投牀睡，兜勸孫扶強出門。

睡起

不恨無人到野堂，惟將美睡答年光。  
風經荷葉翻翻綠，雨濕松枝細細香。

薄俗空成士龍笑長歌未盡接輿狂  
掬泉弄石備然晚又得今年一夏涼  
舟中有賦

一枝柔艣聽啞啞炊糴來依野老家  
山寺日中齋鼓動江樓風急酒旗斜  
綠梢長裊搖新竹翠蔓離離熟早瓜  
閒客去留隨所遇不知何處送棲鴉  
雨後殊有秋意

天地新秋入苦吟詩書萬古付孤斟  
愛君憂國孤臣淚臨水登山節士心  
只歎鼻端無妙斷豈知絃外有遺音  
剡中勝踐今猶昔安得高人支道林  
晚興

並簷幽鳥語瓊瓏一榻蕭然四面風  
客散茶甘留舌本睡餘書味在胸中  
浮雲變態吾何與腐骨成塵論自公  
剩欲與君談此事少須明月出溪東  
秋興四首 選四

世事何曾挂齒牙只將放浪作生涯  
有時掬米引馴鹿到處入林求野花  
鄰父築場收早稼溪姑負籠賣秋茶  
等閒一日還過却又倚柴扉數暮鴉  
病思



短髮蕭蕭不滿簪更堪衰疾日侵尋數匙淡飯支殘息一篆清香印本心  
小徑古苔遺鶴毳空堂壞甃有蟲吟悠然更起扁舟興秋水門前五尺深  
病少愈偶作二首 選二

病入秋來不可當便從此逝亦何傷百錢布被斂首足三寸桐棺埋澗岡  
但恨著書終草草不嫌徂歲去堂堂今朝生意纔絲髮便擬街頭醉放狂

古驛

古驛橋邊艇子橫每因羈旅幽情窗間月落無花影枕上潮來有艚聲  
舊友凋零歸夢想新詩邂逅得天成今朝有喜君知否秋雨晴時小疾平  
舟中晨起

天宇清寒病體輕煙波聊復事宵征艚橫舟尾霜如抹犬走籬根葉有聲  
蕭尹威名空赫赫班侯智略本平平不如歸結迎神社長笛圖擊送此生  
十月二十四日夜夢中送廬山道人歸山

平生不到三公府晚歲歸來五老庵夙士極知成殿後吾曹所賴作司南  
孤舟夜泊灘聲惡小甕晨香雪意酣笑語林隔拄杖子即今惟汝是同參